

YOHANES

Kale Wĩ a Nde Ayekĩ Yohanes

Tsele Ke a

Kale a Kĩ Kakpa Nkpã.

^I Fomɔ baabɔa katinya ni, Baguma Kale a deĩ kɔkɔɛ. Kale a mɔ Baguma deĩ, ade Kale a nye Baguma a. ^{II} Kale a mɔ Baguma deĩ anɛ kayɔkayi a fomɔ bebɔa katinya. ^{III} Baguma bɔa fɔtsa flee etsãmena ye akũ, ade letsama lelãa kĩ ene ye liti ebɔa. ^{IV} Kale a kame nkpã deĩ, ade nkpã kĩ lɛma batidziwa ɔhaĩ a. ^V ɔhaĩ a avɔle ne ɔtũ kame, ade ɔtũ tãpuli edina ye da a.

^{VI} Baguma do onyole odi kĩ bave Yohanes. ^{VII} Eya kĩ yayaadi adansie ne ɔhaĩ a akũ ayekĩ bati flee aatsã ye akũ betɛ bido. ^{VIII} Nnɛ Yohanes nye ɔhaĩ a, mbom adansie eyadi ne ɔhaĩ a akũ. ^{IX} ɔhaĩ wĩ a kĩ yatɛ kakpa odi nye odi a, aya ne katinya kame.

^X Kale a na ne katinya kame, lɛmɛ tito kĩ Baguma bɔa katinya etsãmena ye akũ malo ni, batidziwa tãmɔ ye biyi ɔsũ. ^{XI} Eya ne ye mɔawe bati sekɛ, lɛmɛ ye bati a tãte ye. ^{XII} Lɛmɛ bati flee a kĩ betɛ ye, ade betɛ ye bido lɛmɛ a, ekpa be kobɛ kĩ bedani Baguma babi. ^{XIII} Betãdani Baguma babi ne batidziwa kama onukpɛ, ĩye nde ayekĩ otinyole ama babi aye, mbom Baguma mɔawe lɛwɛ kĩ yakena be ye babi.

^{XIV} Kale a dani kekɛna otidziwa, edzi ne boe kame, ade konyakamɔ mɔ ɔnokɔali yi ye kame

a. Bómó ye kukũkpale a, kukũkpale a kī ete nde Ọlega a Obi mọape a aye.

^{XV} Yohanes di adansie ne ye akũ, eboá fowola ele kī, “Ade oti kī akũ foletsá mbi mi kī, ‘Oti odi aya ne yī liti, lẹme ebẽ yī kitonekī edzi nkpa kọkọe fọmọ bema yī.’ ”

^{XVI} Ne ye konyakamọ beblebee sũ ni, ehila boe flee ekpa boe nhila ete ne nhila akũ.

^{XVII} Mose akũ Baguma mbla a tsã eya, lẹme ye konyakamọ mọ ọnọkọali a tsã Yesu Kristo akũ foya. ^{XVIII} Odima támọ tǒ Baguma. Ye Obi mọape a kī eketimọ Baguma a, kī edeĩ ne Ọlega sekẽ a, ade ye lenye ayekĩ Baguma la a etsa boe a.

Yohanes Mui Ọwọlans a De Letsã.

^{XIX} Yudafọ banọkọẽ ne Yerusalem do be basọfọ mọ Levifọ ne Yohanes sekẽ kī benaavia ye kī, “Nọ nye owei?”

^{XX} Yohanes tásĩ be mbuaye kakpa, mbom ekpale foletsá kame yededeede ele kī, “Nné yī nye Kristo a.”

^{XXI} Ade bivia ye kī, “Kekõ nọ nye owei? Mbọee nọ nye Baguma Onukpẽ Ọnyene Eliya a?”

Ekpa be mbuaye kī, “Oowo, nné ye manẹ.”

Bibuki bivia ye kī, “Nọ nye Baguma onukpẽ ọnyene a kī bele biyi kī yaaya a?”

Ekpa be mbuaye kī, “Oowo.”

^{XXII} Adeke bibi ye kī, “Kekõ bi boe oti a kī anẹ, kitonekĩ kenẹ kī bọkọa mbuaye boma bikĩ bido boe foto a. Owei koũ anẹ?”

^{XXIII} Yohanes kpa be mbuaye nde ayekĩ Baguma Onukpẽ Ọnyene Yesaya tselẹ eyi a kī, “Yī nye oti

a kī etsē ne kosa kame yaboa fowola a odo kī bekena osi kpīi bekpa ɔlate a.”

XXIV Bato a kī bido bito Farisifo sekē a, XXV via Yohanes kī, “Nte nné no nye Kristo a, iye Eliya, iye Baguma onukpē onyene a ni, nde sū akena mui kawola amaniē?”

XXVI Ade Yohanes kpa be mbuaye kī, “Yi kō ni, mawola bati mui, lemē odi kī minyina ye dzē ne mi kame. XXVII Ade ye tomo yī ne liti yaya a, lemē ntáfeta kī mawūnya ye mpabua towē malo.”

XXVIII Fukīi flee ya ne foe kame ne Betania omato kame, ne Yordan owo liti, awā kī Yohanes kawola bati mui a.

Yesu Nyé Baguma Kavelibi a.

XXIX Kī kade nyina a, Yohanes mó Yesu kī yaya ne ye sekē, ade ele kī, “Midā Baguma Kavelibi a kī yaakoa katinya kame bati tokpa enamena a! XXX Ade oti kī akū foletsa mbi mi kī, ‘Oti odi aya ne yī liti, kī ebē yī, kitonekī edzi nkpā kokoe fomo bema yī.’ XXXI Yī moawe a ntányi oti a kī ye yane, lemē iyaawola bati mui, ayekī manye ye ntsa Israel kade a.”

XXXII Ade Yohanes le ne Yesu akū kī, “Mmó Hūhū Kpalēwa a kī eka eto ode nde mbloduma aye eyadzi ne ye akū. XXXIII Ne kayokayi a, ntányi ye, lemē Baguma kī edo yī kī nwola bati mui a bi yī kī, ‘Oti a kī aamo kī yī Hūhū a ka eyadzi ne ye akū a ni, ade ye aakoa Hūhū Kpalēwa ewola bati mui a.’ XXXIV Mmó foe lomō, ndi adansie kī ade oti kīi nye Baguma Obi a.”

Yesu Vē Ye Fotsa Bakolene Batonyade a.

XXXV Luwi leyade a, kī Yohanes mō ye fōtsa bakōlenē nviā dzē ne awā a, **XXXVI** bēmó Yesu kī yatē a, Yohanes le kī, “Midā Baguma Kavelibi a!”

XXXVII Fōtsa bakōlenē nviā a nu fōletsā a kī ēle a, fōesū bitomō Yesu bēnaa.

XXXVIII Yesu dani, emó be kī bitomō ye, ade evia be kī, “Litsa miawē?”

Bekpa ye mbuayē kī, “Rabi,” foe kayō nye Fōtsa Ōtsanē, “ndia odzi?”

XXXIX Yesu bi be kī, “Miyaadā.”

Lōko a aana nde olobe tōdōū ena kame, fōesū bitomō ye bēnamō awā kī edzi a, ade bidzi ne ye sēkē olobe a flee a.

XL Fōtsa bakōlenē nviā a kame omōa nye Andrea, Simon Petro ōwaēnyole. **XLI** Letsa a kī Andrea nya loto ekēna nye kī enawe ōwaē Petro ebi ye kī, “Bōmó Mesia a!” De kayō nye Kristo. **XLII** Ke liti a, Andrea kpā Simon enamēna Yesu sēkē.

Yesu dā Simon kenanaana ade ebi ye kī, “Nō dī nye Simon kī enye Yohanes obi a, lēmē kito finyaa baave nō Kefas,” iye Petro. Buī nviā a kayō nye de.

Yesu Vē Filipo Mō Nataniel.

XLIII Kī kade nyina a, Yesu wē kī yadzakū enaa Galilea tite akū, ade emō Filipo ebi ye kī, “Yaatomō yī.”

XLIV Filipo lēmē to Betsaida, omato a kī Andrea mō Simon dzi a kame. **XLV** Filipo mō Nataniel ade ebi ye kī, “Bōmó oti a kī Mose mō Baguma onukpē banyenē tsele fōletsā ne ye akū ne Katsēle Kpalēwa kame a. Ade ye nye Yosef obi Yesu, kī eto Nazaret a!”

XLVI Nataniel via kī, “Fɔtsa wī fudi aapuli fone futo Nazaret leme kame?”

Filipo kpa ye mbuaye kī, “Yaadā!”

XLVII Kī Yesu mó Nataniel yaya ne ye sekē a, ele ne ye akū kī, “Ade Israelni kpanunuunu ne awī a, enyé ane kame keke fɔtsa ɔkenane!”

XLVIII Nataniel via Yesu kī, “Nde ɔkena onyi yī?”

Yesu kpa ye mbuaye kī, “Mmó nɔ kɔkɔe ne kɔya kutse a kayɔ fɔmɔ Filipino yave nɔ.”

XLIX Ade Nataniel le kī, “Fɔtsa ɔtsane, nɔ nye Baguma Obi a. Nɔ nye Israel Legā a!”

L Yesu bi ye kī, “Ayekī mbi nɔ kī mmó nɔ ne kɔya kutse a kayɔ sū mɔ ɔte odo a? Aamɔ fɔtsa baū kī fɔbē fukī!” LI Ade ke ebi be kī, “Mabi mi flee ne ɔnɔkɔali kame kī míamɔ ode kī ebinya, ade míamɔ kī ode fɔtɔ banyane aakade bekaka ne yī, Otidziwa Obi a, akū.”

II

Bipi Obolitsɔ Ne Kana.

I Ne luwi lalalde akū a, bipi obolitsɔ ne Kana ɔmato kī edeī ne Galilea tite akū. Yesu ɔma na ne awā, II ade beve Yesu mɔ ye fɔtsa bakɔlene a leme beya ne obolitsɔ kapikɔ a. III Kī waī woli a, Yesu ɔma fuā Yesu ebi ye kī, “Be waī a woli.”

IV Yesu bi ye kī, “Otsole, nné nɔ aabi yī letsa a kī nkena. Yī lokɔ táwo tɔ ɔtɔ.”

V Yesu ɔma nabi basumune a kī, “Letsa nye letsa a kī yaabi mi ni, mikena.”

VI Ayekī fɔnye Yudafo amanie kī bavole akū fɔmɔ bawo ne toto kame sū ni, bake boe topoolo evū ne toto a kame. Mui fugumi tsetseɛ ena ñye foe elo awo ne lomɔa kame.

VII Yesu bi basumune a kī, “Minu mui miyula tōpōolo a.” Foesū binu mui biyula foe tsonononō.

VIII Ade Yesu bi be kī, “Minu mui a badi mima oti a kī yadāmena funitsā akū a.” Ade binu badi bema ye a.

IX Funitsā akū odāmenane a tá mui a kī bedani bave a onukpē edā. Etányi awā kī bitomena be, leme basumune a kō nyina. Foesū eve obolitsō onyo a, X evia ye kī, “Odi nye odi akpa bati a bave vōē kanyamena lotō, lōkōa nte bemoa be biwī a, yabōe bakōe a kayamena. Nde foya mō nō kō okōa bave vōē a oke keyawo lōkō kī?”

XI Yesu kena ye awāwā fotsa fōtonyade kī ne Kana ne Galilea tite akū, ekōa enye ye kukūkpale etsa, ade ye fotsa bakōlene a te ye bido a.

XII Ke liti a, Yesu mō oma, mō bawāēnyole mō ye fotsa bakōlene a dzakū benaa Kapernaum, benadzi ne awā fuwi sukuloo.

Yesu Blōmena Kōyaatō Banyane Ne Baguma Asoli Kōla a Kame.

XIII Kī Yudafo Wuda Katē luwi kanya a wo otō liyua a, Yesu naa Yerusalem. XIV Ne Asoli Kōla kame a, emō kī bati dzi banō banantsue, baveli mō mblōduma. Emó leme kī sika babēne dzi ne be tupunu akū ne awā. XV Foesū enō owē ekena mple ekōa eblōmena bayae a flee, banantsue mō baveli a ne Asoli Kōla a kame. Edu be tupunu leme ewula, epansam sika babēne a sika esā. XVI Ade ebi bikī banō mblōduma a kī, “Mifla fotsa kī minemena ne awī, mitakōa Nda kōla mikena kōyaatō.”

XVII Ade ke ye fotsa bakolene a te ane kī Katsela Kpalewa a le kī, “O Baguma, nɔ kola akū mbodibo atē ne yī kame nde fi aye.”

XVIII Yudafɔ banokɔē yavia Yesu kī, “Litsa nsentseleni aapuli okena otsa boe kī odei osi kī akena fukī?”

XIX Yesu kpa be mbuaye kī, “Miveli Baguma Kola kī, ade ne fuwi elale liti ni, maabuki nke koe.”

XX Yudafɔ a bi ye kī, “Bekoa futeli tena-avū bike Asoli Kola kī, ke mo ale kī aakoa fuwi elale obuki oke koe a?”

XXI Lemε asoli kola a kī Yesu lamena kale a nye ye sukena. **XXII** Foesū kī Baguma dzela ye etomena kanokpa liti a, ye fotsa bakolene a te ane kī ele fukī eyi, ade bete Katsela Kpalewa foletsa mo letsa a kī Yesu le a bido a.

Yesu Nyina Otidziwa Kutitse.

XXIII Kī Yesu na ne Yerusalem ne Wuda Katē luwi kanya kame a, bati pii te ye bido ne awāwā fotsa a kī bemó kī ekena a sū. **XXIV** Lemε Yesu takoa ye akū ekpa be, kitonekī enyina bati flee. **XXV** Foesū fotási kī odima abi ye kadi ne bati akū, kitonekī ye moawe a enyina letsa a kī lidei ne be towole kame.

III

Yesu Nye Foletsa Kame Etsa Nikodemo.

I Ne loko a naa kame a, Yudafɔ onokɔē moa na kī enye Farisini, kī bave Nikodemo. **II** Luwi a lenye, eya ne Yesu sekē eyabi ye kī, “Fotsa

Ɔtsanɛ, bunyina kɪ Baguma sɛkɛ ɔto ɔya, ki-tonɛkɪ odima leláapuli ekɛna nsentsɛlɛni a kɪ akɛna a, nte Baguma lítomɔ ye.”

III Ade Yesu bi ye kɪ, “Ɖnɔkɔali mabi nɔ kɪ nte betábuki belɔla ɔti kama ni, eláapuli ɛmɔ Baguma legãkanya a.”

IV Nikodemo via ye kɪ, “Nde baapuli bibuki bɛma ɔti kɪ ebo anɛ? Eláapuli ewo nɛ ɔma sɛmɛ kamɛ belɔla ye kama leyade.”

V Yesu kpa ye mbuayɛ kɪ, “Ɖnɔkɔali a mabi nɔ kɪ, nte betáma ɔti bitomɛna mui mɔ Baguma Hũhũ kamɛ ni, eláapuli ewo nɛ ye legãkanyakɔ a kamɛ. VI Sukɛna kamɛ bama sukɛna ɔti katomɛna, lɛmɛ Baguma Hũhũ kamɛ bama hũhũ ode. VII Foesũ fɔtakɛna nɔ wãwã kɪ nɛ kɪ kɛnɛ kɪ belɔla mi flee kama. VIII Ɖwɛ abɔa kanaa awã kɪ yawɛ, anu ye nkã, lɛmɛ onyina awã kɪ eto ãye awã kɪ yanaa. Ade aye fɔla fɔkpa odi nyɛ odi kɪ bɛma ye nɛ Hũhũ a kamɛ a.”

IX Ade Nikodemo via ye kɪ, “Nde fukɪ aapuli fɔya nɛ foe kamɛ?”

X Yesu kpa ye mbuayɛ kɪ, “Fɔtsa Ɖtsanɛnɔkɔɛ anɛ nɛ Israel, mɔ onyina fukɪ a? XI Mabi nɔ nɛ ɔnɔkɔali kamɛ kɪ bɔalɛ kɔdzɛla nɛ letsa a kɪ bunyina a akũ, ade bɔadi adansɛ nɛ letsa a kɪ bɔmɔ akũ a, lɛmɛ mi kamɛ odima láwɛ kɪ yatɛ boe fɔletsɛ a. XII Nte mbi nɔ tite akũ fɔletsɛ mɔ ɔtátɛ foe odo a, lɔkɔa nte mbi nɔ ode fɔletsɛ a ni, aapuli ɔtɛ foe odo? XIII Ade odima táde tɔ ɛnaa ode, mbɔɛntɛ yɪ, Otidziwa Obi a, kɪ nto ode ãya a odi.

XIV “Nde ayekɪ Mose dɛla kɔɛ kɪ bɛkɔa kɔɔble bɛkɛna a nɛ ɔtɛ akũ nɛ kɔsa kamɛ a, ade ayea

kene kī baadela yī, Otidziwa Obi a, leme ne asendua akū a, ^{XV} ayekī odi nye odi kī ete yī edo aana nkpā kī ela kawūna a.

^{XVI} “Kitonekī Baguma ti ewe katinya kale paa kī ekwa ye Obi mōape a ekpa kī odi nye odi kī ete ye edo leláaku ewo, mbom yaana nkpā kī ela kawūna a. ^{XVII} Kitonekī Baguma tádo ye Obi kī eyaako katinya kame bati koto, mbom kī fotsā ye akū bati bena kate.

^{XVIII} “Odi nye odi kī ete Obi a edo ni, betáko ye koto, leme odi nye odi kī etáte edo ni, beko ye koto kokoe, kitonekī etáte Baguma Obi mōape a edo. ^{XIX} Ayekī badzemo katinya kako bati koto a nye kī ohaī a ya ne katinya kame leme bati we otū kale beba ohaī a, kitonekī be fotsakelawa nye tokpa. ^{XX} Odi nye odi kī yakena tokpa akesī ohaī a, ade eláaya ne ohaī a sekē a, kitonekī yaáwe kī yanye ye tokpa kanya. ^{XXI} Leme odi nye odi kī edzi ne onokoli kame ni, yaya ne ohaī a kame ayekī ohaī a aafō bemó kī yakena fotsa ne Baguma kawē akū.”

Yohanes Mui Dwolane a Kpale Yesu Akū.

^{XXII} Fukī liti a, Yesu mo ye fotsa bakolene a naa Yudea amantam a kame a. Edzi ne awā fuwi sukuloo ewola bati mui. ^{XXIII} Yohanes leme kawola bati mui ne Ainon kī efuā Salim, kitonekī mui bo ne awā. Bati kaya ne ye sekē kī ewola be mui. ^{XXIV} Ne loko a na kame a, betápi tō Yohanes bido ne kola kame.

^{XXV} Luwī a, foletsa kavele ya ne Yohanes fotsa bakolene mo Yudani odi kayite ne Yudafō akū mui kawola amanie akū. ^{XXVI} Foesū beya ne Yohanes sekē beyabi ye kī, “Fotsa Otsane, ate ane

ne onyole a kī ena ne nɔ sɛkē ne Yordan ɔwɔ liti, kī odi adansie ne ye akū a? Elamena bati mui kawɔla ade bati flee lamena ye sɛkē kanaa a!”

XXVII Yohanes kpa mbuaye kī, “Odima leláapuli ena litsedi mbɔɛntɛ Baguma lekpa ye de. **XXVIII** Mi mɔawe a nye yī adansifo kī nle kī, ‘Nné yī nye Kristo a, mbom Baguma do yī kī ĩnya ye lɔɔ.’ **XXIX** Obolitsɔ onyɔ nye oti a kī ela obolitsɔ a, lemɛ obolitsɔ onyɔ ɔkoba kī ɛdzɛ ne ɔwɛ yatse a kɔ, kawɔle ade ye pii nte enu obolitsɔ onyɔ a odo. Ade ayea kī nnu ye odo a, yī kawɔlekamɔ akpɔla a. **XXX** Kene kī ye dī lide ne ode lokɔa yī lide lɛka ne kayɔ.

Oti a Kī Eto Ode Eya a Bɛ Be Flee.

XXXI “Oti a kī eto ode eya a bɛ be flee. Oti a kī eto tite akū a nye tite akū oti, ade tite akū foletsɔ yale a, lemɛ oti a kī eto ode a bɛ be flee. **XXXII** Yale letsɔ a kī emó, mɔ letsɔ a kī enu, lemɛ odima láte ye adansie kadi a. **XXXIII** Lemɛ odi nye odi kī ete ye foletsɔ a, asipi kī Baguma adi ɔnɔkɔali. **XXXIV** Oti a kī Baguma do a ale Baguma foletsɔ, kitonekī Baguma kɔa Hūhū eyula ye kame. **XXXV** ɔlega a awe ye Obi kale, ade foesū ekɔa fɔtsa flee edo ne ye awe a.

XXXVI “Odi nye odi kī ete Obi a edo ni, edeĩ nkpā kī elá kawūna a, odi nye odi kī yaátse Obi a ni, eláana nkpā, mbom Baguma kalokpa aana ne ye akū.”

IV

Yesu Mɔ Samaria Otsolo Odi Lɔmena.

^I Farisifo a nu kī Yesu kawola bati mui, kī ye fotsa bakolene a kapo kaba Yohanes bade.

^{II} Leme ne onokoli kame ni, Yesu moawe tawola odima mui, mbom ye fotsa bakolene a odi lewola bati mui. ^{III} Foesu kī Yesu nu foletsa kī a, edzakū ne Yudea emuniki enaa Galilea tite akū. ^{IV} Kene kī etsā Samaria tite kame enaa awā.

^V Yesu yawo Samaria omato odi kī bave Sikar. Omato a fuā mo tite a kī be owanyo Yakob kōa ekpa ye obi Yosef. ^{VI} Yakob lowoke deñ ne awā. Yesu yawo awā nde suwa todou ewua-nviā kame, ade kī osi katsā piā ye sū ni, ekena akū edzi ne lowoke a owē.

^{VII} Owi tábuna mo Samaria otsole odi ya kī yaanu mui. Yesu bi ye kī, “Kpa yī mui badi mmoa.” ^{VIII} Ne loko a na kame ni, ye fotsa bakolene a naa omato kame benaaya funitsā.

^{IX} Otsole a bi Yesu kī, “Nde foya mo no Yudani avia yī Samaria otsole kī nkpa no mui kamoa?” Ele lomo kitonekī Yudafō mo Samariafō lākā.

^X Yesu kpa ye mbuaye kī, “Nte kanyina onyina letsa a kī Baguma akpa, mo oti a kī ye lamena no mui moawa kavia ni, kufe no aavia ye lokoa ekpa no mui kī bakpa nkpā a.”

^{XI} Otsole a bi ye kī, “Onokōē, onéé bokiti kī bakoa kanu mui, ade lowoke a leme dzū a. Ndia aatomena mui a kī bakpa nkpā a? ^{XII} Boe owanyo Yakob lenye lowoke kī ekpa boe, ade ye moawe, ye babi mo ye bayae flee moa mui bitomena de kame a. Mbōēē katsa atsa kī obē Yakob?”

^{XIII} Ade Yesu kpa ye mbuaye kī, “Odi nye odi kī emoa mui kī ni, omoado aabuki eko ye, ^{XIV} leme odi nye odi kī yamoa mui a kī maakpa ye a ni,

omoado lelaabuki eko ye da. Kitoneki mui a ki maakpa oti a aadani mui katokõ ki nkpã mui dei a ne ye kame, bekpa ye nkpã ki ela kawuna a.”

XV Otsola a bi Yesu ki, “Onokõ, kpa yi mui a na badi ayeki omoado lelaabuki eko yi da, iye mbuki iya ne awi ki maanu mui.”

XVI Ade Yesu bi ye ki, “Naakpã no onyo miya.”

XVII Otsola a bi ye ki, “Nla onyo.”

Yesu bi ye ki, “Ole onokoli ki ala onyo. **XVIII** Ne onokoli kame ni, odzimo banyole elo to, ade onyole a ki mimo ye midzi finyaakii malo liti enye no onyo a.”

XIX Ade otsola a bi Yesu ki, “Onokõ, mmõ ki Baguma onukpe onyene ane. **XX** Boe Samariafo bawanyo sum Baguma ne oto kii aku, leme mi Yudafo mibo Yerusalem nye awa ki kene ki bati bisum Baguma.”

XXI Yesu bi ye ki, “Boe oma, te yi kado ki loko aaya ki bati lelaabuki bisum Olega a ne oto kii aku iye ne Yerusalem. **XXII** Mi Samariafo miti minyina oti a ki ye miasum. Leme boe Yudafo ko bunyina oti a ki basum, kitoneki Yudafo aku nkpã kate a tsã keya. **XXIII** Leme loko aya, ade leya kokoe malo ki bati a ki basum Baguma ne osi wi aku a, aasum Olega a ne Baguma Huhũ mo onokoli kame. Ade bati a ki basum ye lomo a Baguma awe a. **XXIV** Baguma ni, Huhũ yane, foesu kene ki bati a ki basum ye a, bisum ye ne Huhũ mo onokoli kame.”

XXV Ade otsola a bi ye ki, “Inyina ki Mesia ki bave Kristo a aaya, ade nte eya ni, yaabi boe letsa nye letsa.”

XXVI Yesu bi ye kī, “Yī nyε ye, yī a kī nlamena kodzela kale mo no a.”

XXVII Loko a na kame mo Yesu fotsa bakolene a muniki beya. Fokena be wāwā paa kī bemó kī ye mo otsole belamena kodzela kale. Leme be kame odima távia otsole a kī, “Litsa awe?” iye bivia Yesu kī, “Nde sū mimo ye mialomena?”

XXVIII Ade otsole a fone ye kugumi awe eyi ne awā, enaa omato kame enabi bati kī, XXIX “Miyaadā onyole odi kī ebi yī letsa nyε letsa kī nkena tō. Mbōεε ye nyε Kristo a?” XXX Foesū bati né ne omato a kame benaa Yesu sekē.

XXXI Ne loko a kame a, Yesu fotsa bakolene a kake ye aduli kī, “Fotsa Ōtsane, yaanya litsedi.”

XXXII Leme Yesu bi be kī, “Ndeī funitsā kī maanya, kī minyina foe akū letsama.”

XXXIII Foesū ye fotsa bakolene a kavia be akū kī, “Mbōεε odi ma ye funitsā?”

XXXIV Yesu bi be kī, “Yī funitsā nyε kī makena ne oti a kī edo yī a kawε akū, loko a nwūna ye adzuma a kī ekpa yī a. XXXV Nné mi ale kī kite tideto ena soū kī funitsā karkota loko awo oto? Leme mabi mi kī miko anε midā foba a! Funitsā a bo kī karkota. XXXVI Oti a kī yakpota funitsā a ate kotokase, ade okpotane akpota foe kakpa nkpā kī elá kawūna a. Foesū funitsā odune a mo okpotane a flee aamo kawole bekpota. XXXVII Foesū kale a kī bale kī, ‘Oti moa adu fotsa, oti bebā akpota foe’ a nyε onokwali. XXXVIII Ndo mi kī minaakpota funitsā ne foba a kī mitákēna adzuma ne foe kame a. Bati bebā lekēna adzuma ne awā, leme mi mina nfaso mitomēna be adzuma kakēna kame.”

Samariafo Pii Te Yesu Bido.

XXXIX Samariafo pii kī bito ɔmato a kame a te Yesu bido ne otsole a adansie a kī edi kī, “Ebi yī letsa nye letsa a kī nkena tō ne yī nkpā kame,” a sū. XL Foesū kī beyamo Yesu a, bike ye aduli kī edzi ne be sekē, ade Yesu dzi ne awā fuwi nviā fudi a.

XLI Bati bebā pii leme te Yesu bido ne ye moawe folets a kī ele a sū.

XLII Ade bibi otsole a kī, “Finyaa kō, nné nɔ folets a sū bote budo, kitonekī boe moawe a bunu folets a kī ele a, ade bunyi kī ne ɔnokɔali kame ni, ye nye katinya kame ɔtene a.”

Yesu Tsá ɔnokɔē Odi Obinyole.

XLIII Ne fuwi nviā a liti a, Yesu dzakū ne awā enaa Galilea tite akū. XLIV Ye moawe a ele kī, “Baguma onukpē ɔnyene léla obu ne ye moawe kade bati kame.” XLV Leme kī ewo Galilea tite akū a, bati a te ye kate wī, kitonekī benaa Yerusalem ne Wuda Katē Luwi kanya a kame, ade bemó letsa nye lets a kī ekena a ne luwi kanya a kame.

XLVI Ke liti a, Yesu muniki enaa Kana ne Galilea tite akū, awā kī edani mui bekena bave a. Abāā ɔnokɔē odi deī ne awā, ye obinyole aso ne Kapernaum. XLVII Kī enu kī Yesu to Yudea eya ne Galilea a, enaa ye sekē enake ye aduli kī eyatsa ye obi kī edeī ne wuda mo nkpā kayite a ekpa ye.

XLVIII Yesu bi ye kī, “Nte mitámo awāwā mo nsentseleni fotsa ni, miáte kado.”

XLIX ɔnokɔē a ke ye aduli kī, “Boe ɔlate, nte ɔtáya moatse ni, yī obi aaku.”

L Ade Yesu bi ye kī, “Naa, nɔ obi aana nkpā.”

Ἰησοῦς αὐτὸν εἶπεν ὅτι ἔτι ἕως οὗ
 LI Kĩ yanaa a, ye basumune yatselamɔ ye bibi ye
 kĩ ye obinyole a saε. LII Evia be lokɔ a kĩ de kame
 obinyole a saε, ade bibi ye kĩ, “Kadzɔ suwa ɔdoũ
 moa kame mo atilili a fone ye awe.”

LIII Ade ɔlega a te anε kĩ ade lokɔ a na kame
 pεpεpε Yesu bi ye kĩ, “Nɔ obi aana nkpã.” Ne
 foesũ ye mo ye toto kame bati flee te Yesu bido.

LIV Ade fukĩ nye nsentseleni ayade kĩ Yesu
 kena ne Galilea, kĩ emuniki eto Yudea εya a.

V

Yesu Tsá Abafã Adi Ne Betesda Lutubu Abuĩ.

I Ke liti a, kĩ Yudafo luwi lidi kanya wo ɔto a,
 Yesu muniki enaa Yerusalem. II Lutubu lidi deĩ
 ne Yerusalem kakɔ a kĩ bave Baveli Onyukpẽ a
 ɔwẽ, kĩ bave ne Hebri tide kame kĩ Betesda. Bike
 tepata elo ne de ato. III Basone beblebee awa ne
 tepata a kame, be badi nye banekune, babebã
 nye lekpẽ banene mo abafã ame. Bawa ne awã
 kadzɔle kĩ beyaakputua mui a. IV (Kitonekĩ nte
 kideĩ kideĩ Baguma ode foto onyane odi ato ode
 kayaakputua mui a. Ɔsone ɔtonyade kĩ yawo ne
 mui a kame ne be kakputua liti a, asaε ne fɔso
 nye fɔso kĩ yaso a kame.) V Onyole odi kĩ ekaso
 futeli taale-alẽ flee na ne awã. VI Kĩ Yesu mó ye
 kĩ ewaa ne awã a, enyi kĩ ekaso owi buna, foesũ
 evia ye kĩ, “Awe kĩ asaε?”

VII Ɔsone a kpa mbuaye kĩ, “Ἰησοῦς, nte
 bikputua mui a ni, nlá odima kĩ yabɔε yĩ enaado
 ne lutubu a kame. Nte mboα mbodi ñyidza
 manaa a, lokɔα oti bebã tẽ enya yĩ loto.”

VIII Yesu bi ye kī, “Yidza kadza, kabɔe nɔ ɔkena katsā!” IX Letaleta ɔsonɛ a na akū ɔsī, ebɔe ye ɔkena edo katsā awe.

Luwi a kī fukī ya a nye Yudafɔ Kaweya Luwi, X foesū Yudafɔ banɔkɔɛ a bi oti a kī Yesu tsa a kī enɔne ye ɔkena a kī, “Nviā nye Kaweya Luwi. Boe mbla a tákpa osi kī alo nɔ ɔkena.”

XI Onyole a kpa be mbuaye kī, “Oti a kī etsa yī a libi yī kī, ‘Yidza kadza, kabɔe nɔ ɔkena katsā!’”

XII Ade ke bivia ye kī, “Owei nye oti a kī ebi nɔ kī bɔe nɔ ɔkena katsā?”

XIII Leme oti a kī betsa a linyína Yesu, kitonekī bati yi awā, ade Yesu leme vele akū ene ne bati a kame a.

XIV Ke liti a, Yesu mó ye ne Asɔli Kola a kame ade ebi ye kī, “Dā! Finyaa ɔna akū ɔsī, foesū fɔ ɔkpa kakena, nte nné aye ni, letsa kpa bebā kī lebé fukī aaya ne nɔ akū.” XV Ade ke onyole a dzakū enabi Yudafɔ banɔkɔɛ a kī Yesu letsa ye.

XVI Foesū bido Yesu liti katomena awe, kitonekī etsa oti ne Kaweya Luwi akū. XVII Leme Yesu bi be kī, “Nda akena adzuma luwi nye luwi, ade yī malo kene kī nkena adzuma a.”

XVIII Fɔletsā kī fɔ Yudafɔ banɔkɔɛ a buki bewɛ mɔ ɔsī mɔ ɔsī kī bakɔ Yesu, kitonekī nné Kaweya Luwi mbla a odi efum, mbom ebuki ele kī Baguma nye ɔlega, kī fɔatsa kī ekɔa ye akū eketimo Baguma.

Baguma Kpa Obi Kɔbɛ.

XIX Foesū Yesu bi be kī, “Mabi mi ne ɔnɔkoali kame kī Obi a leláapulí ekena letsama ne ye mɔawe akū. Letsa a kī Obi a amɔ kī ɔlega akena

a, ade de odi ye malo yakena a. **XX** Kitonekĩ Ɔlega a awe Obi a kale, ade yatsa ye letsa nye letsa kĩ ye mɔawe yakena a. Yaatsa Obi fɔtsa kpale kɔlaa kĩ fɔbẽ fukĩĩ kĩ ekena, kĩ fɔakena mi wāwā. **XXI** Nde ayekĩ Ɔlega a adzela banɔkpa badzi nkpā a, ade aye Obi a lemɛ aakpa bikĩ epau a nkpā a. **XXII** Ɔlega mɔawe a ládzemɔ odima, mbom ekɔa kɔbẽ flee edo ne Obi a awe kĩ edzemɔ bati flee, **XXIII** ayekĩ be flee baakɔa obu bekpa Obi a nde ayekĩ bakɔa kakpa Ɔlega a. Odi nye odi kĩ yaábu Obi a ni, yaábu Ɔlega a kĩ ye lido ye a lemɛ.

XXIV “Mabi mi ne ɔnɔkɔali kame kĩ odi nye odi kĩ yatse yĩ fɔletsa, mɔ yate oti a kĩ edo yĩ a kado ni, edeĩ nkpā kĩ elá kawūna a. Beláadzemɔ ye, mbom etsā wuda kame etẽ, ena nkpā kɔkɔɛ. **XXV** Mabi mi ne ɔnɔkɔali kame kĩ lɔkɔ lidi aya, ade leya kɔkɔɛ malo, kĩ banɔkpa aanu Baguma Obi a odo, ade bikĩ binu ye odo a aadzi nkpā a. **XXVI** Nde ayekĩ Ɔlega a mɔawe kame nkpā deĩ a, ade ayea efɔ nkpā deĩ ne Obi a lemɛ kame a. **XXVII** Ekpa ye kɔbẽ kĩ edze ekɔ kɔtɔ lemɛ, kitonekĩ ye nye Otidziwa Obi a.

XXVIII “Fukĩĩ fɔtakena mi wāwā, kitonekĩ lɔkɔ lidi aya kĩ banɔkpa flee aanu ye odo, **XXIX** lɔkɔa baane ne be funike kame. Bikĩ bekena tuwĩ a aayidza bidzi nkpā, ade bikĩ bekena tɔkpa a aayidza bekpa kɔtɔkaku.”

Bati a Kĩ Bidi Adansie Ne Yesu Akũ.

XXX Yesu buki ele kĩ, “Nlápuli nkena letsama ne yĩ mɔawe otumi akũ. Madze fɔletsa nde ayekĩ Baguma abi yĩ, foesũ madze ne osi kpĩĩ akũ,

kitonekĩ maákena ne yĩ mɔawe kawe akũ, mbom makena ne oti a kĩ edo yĩ a kawe akũ.

XXXI “Nte ndi adansie ne yĩ mɔawe akũ ni, yĩ adansie a tákpola. XXXII Leme oti bebã deĩ kĩ yadi adansie ne yĩ akũ, ade ñnyina kĩ letsa a kĩ yale ne yĩ akũ a kpola.

XXXIII “Mido batɔ ne Yohanes sekẽ, ade ebi mi ɔɔɔkali ne yĩ akũ a. XXXIV Ntásĩ otidziwa adansie kadi ne yĩ akũ, mbom nle fukĩ ayekĩ míana nkpã kate. XXXV Yohanes la nde ɔsedza kĩ yatẽ kakpale fɔkɔ, ade miawe kĩ miamɔ kawɔle sukuloo ne ye ɔhaĩ a kame a.

XXXVI “Leme ndeĩ adansie kĩ ebẽ Yohanes ade a. Fɔtsa a kĩ makena a kĩ fɔnye tudzuma kĩ Nda kpa yĩ kĩ nkena nwũna a, ade foe adi adansie ne yĩ akũ, katsa leme kĩ ɔlega a lido yĩ a. XXXVII ɔlega a kĩ edo yĩ a, ade ye adi adansie ne yĩ akũ a. Mitánu tɔ ye odo ñye mimó tɔ ayekĩ ela a. XXXVIII Mitáte ye fɔletsa a ne mi tɔwɔle kame, kitonekĩ mitáte oti a kĩ edo a mido. XXXIX Miatsã Katsela Kpalawa a fɔletsa kame fininiini, kitonekĩ miakona kĩ foe kame miatsã mina nkpã kĩ elá kawũna a. Ade ovoli kĩ kame fɔletsa mɔape a adi adansie ne yĩ akũ a, XL leme miáwe kĩ miaya ne yĩ sekẽ ayekĩ míana nkpã.

XLI “Maáwe kamu ntomena batidziwa sekẽ, XLII kitonekĩ ñnyina bati a odu kĩ be miane, ade ñnyina leme kĩ milá ɔdo mikpa Baguma ne mi tɔwɔle kame a. XLIII Ñya ne Nda dĩ akũ leme mitáte yĩ. Leme nte oti bebã leya ne ye mɔawe dĩ akũ ni, míate ye. XLIV Miawe kĩ miate mi akũ akũ kamu, leme miáwe kamu a kĩ kito oti a kĩ ye

odi nye Baguma a sekẽ, lokoa nde miapuli mite yĩ mido?

XLV “Leme mitakona kĩ yĩ aatsua mi onukpẽ nkpa Nda. Mose a kĩ ye akũ mikoa ane mite a, ade ye nye oti kĩ yaatsua mi onukpẽ a. XLVI Nte miti mite Mose mido ni, kufe miate yĩ malo mido, kitonekĩ etsele foletsa eyi ne yĩ akũ. XLVII Leme nte mitate foletsa a kĩ etsele eyi a mido ni, nde miakena mite yĩ foletsa a mido?”

VI

Yesu Kpa Bati Mpim Elo Funitsã Benya.

I Ke liti a, Yesu nyina Galilea owo lutubu baũ a kĩ bave leme kĩ Tiberia owo lutubu baũ a, enaa seke sitide a. II Bati kodabu kpale tomo ye kitonekĩ bemó awāwā fotsa a kĩ ekena, ne basone katsa kame a. III Ade Yesu de enaa oto akũ enakena akũ edzi mo ye fotsa bakolene. IV Finyaa, Wuda Katẽ Luwi kanya loko a wo oto liyua.

V Kĩ Yesu dzela ane edã foko a, emó kĩ bati kodabu baũ kudi lamena ye sekẽ kaya, foesũ evia Filipino kĩ, “Ndia bóana funitsã boyá bokpa bati kĩĩ flee?” VI Yesu moawe nyina letsa a kĩ yaakena, leme evia Filipino kale kĩĩ kĩ yaso ye edã.

VII Ade Filipino kpa ye mbuaye kĩ, “Nte boyá funitsã sika ovoe oha nviã malo ni, foláawĩ be nte odi nye odi te sukuloo sukuloo malo.”

VIII Awã naa, Yesu fotsa bakolene a kame omoa, Andrea, kĩ enye Simon Petro owaẽ bi ye kĩ, IX “Opopo odi nee abodoo fobo elo mo kofabi

nviã nε awĩ. Lεmε futi foláato bati beblebee kĩi?”

^X Yesu bi be kĩ, “Mifõ bati a flee bεkena akũ bidzi.” Tuwĩ bloblo deĩ nε awã ade bati a flee kena akũ bidzi nε te akũ a. Banyole a lidede aana ndε mpim elo. ^{XI} Ade ke Yesu tε abodoo a enye Baguma kɔle, ade esẽ ye εkpa bati a. Ekena kɔfɔabi a lemε lomɔ, ade be flee bεna funitsã ndε ayekĩ bawe a.

^{XII} Kĩ bεnya biwĩ a, Yesu bi ye fɔtsa bakɔlene a kĩ, “Mikpɔta fukĩ fute a. Mitafõ bubula fudima kade.” ^{XIII} Foesũ bifila fukĩ bati a nya bitina nε abodoo elo a kame a biyula tetsetse ewua-nviã.

^{XIV} Kĩ bati a mó awãwã fɔtsa a kĩ Yesu kena nε awã a, bεle kĩ, “Ɔnɔkɔali, ade Baguma onukpẽ onyene a kĩ yaya nε katinya kame a!” ^{XV} Kĩ Yesu mó kĩ baayatimtim ye bipi bidzina legã a, foesũ ené nε be kame ebuki ede enaa ɔto akũ ye odi.

Yesu Tsã Mui Anε.

^{XVI} Kĩ olobe lɔkɔ wo ɔto a, Yesu fɔtsa bakɔlene a ka bεnaa ɔwo lutubu baũ a abuĩ. ^{XVII} Biwo nε ɔkɔlɔ kame bimuniki binyina banaa Kapernaum. Nε lɔkɔ a, kade dɔ lemε Yesu táyawo tõ be sekẽ.

^{XVIII} Nε lɔkɔ a na kame a, ɔwe kpale odi kavũ mɔ ɔsĩ mɔ ɔsĩ kabɔa mui kadela kakamena. ^{XIX} Kĩ fɔtsa bakɔlene a tá ɔkɔlɔ a banaa lotɔ ndε fusikũ elale iye foe ena a, bemó Yesu kĩ etsẽ mui anε yaya nε ɔkɔlɔ a sekẽ, ade libe wo be a. ^{XX} Lεmε Yesu bi be kĩ, “Mitavila. Yĩ manε!” ^{XXI} Ɔwɔle ka edzi be ade befõ Yesu wo nε ɔkɔlɔ a kame a. Letaleta ɔkɔlɔ a wo lowotuni nε awã kĩ banaa a.

Bati a Tsã Bεwe Yesu.

^{XXII} Kĩ kade nyina a, bati kɔdabu a kĩ bεkaho nε ɔwo lutuni litide kadzo a mó biyi ɔsũ kĩ ɔkɔlɔ

mɔpɛ lɛna nɛ awã. Bɛmó lɛmɛ kī Yesu táwo nɛ ɔkɔlɔ a kamɛ ebumɔ yɛ fɔtsa bakɔlɛnɛ a, mbom bɛdzakū bɛfɔnɛ yɛ. ^{XXIII} Lɔkɔ a na kamɛ a, tɔkɔlɔ bɛbã tidi kī tito Tiberia ɔmatɔ a yadza tifuã awã kī bati nya abodoo a kī boe ɔlate bɔa mpɛ nɛ yɛ akū a. ^{XXIV} Kī bati kɔdabu a mó kī Yesu ãyɛ yɛ fɔtsa bakɔlɛnɛ a kamɛ odima lɛlãa awã a, biwo nɛ tɔkɔlɔ a kamɛ bɛnaa Kapernaum bɛnaawɛ yɛ.

Yesu Nyé Nkpã Abodoo a.

^{XXV} Kī bati a mó Yesu nɛ lowɔtuni litide a ni, bivia yɛ kī, “Fɔtsa ɔtsanɛ, lɔkɔ lowɔdabɛ ɔyawo awĩ?”

^{XXVI} Yesu kpa bɛ mbuayɛ kī, “Mabi mi nɛ ɔnɔkɔali kamɛ kī, nné awãwã fɔtsa a kī nkɛna mimó a sū mitsɛ miawɛ yĩ, mbom abodoo a kī mina minya miwĩ a sū. ^{XXVII} Mitaha akū nɛ funitsã kī fɔabu kade akū, mbom miha akū miwɛ funitsã a kī fɔawa fɔkpa daa nkpã a kī Otidziwa Obi a aakpa mi a, kitonɛkī ade yɛ akū Baguma boe ɔlɛga a tɛ awɛ a.”

^{XXVIII} Foesū bati a via Yesu kī, “Litsa kɛnɛ kī bɔkɛna fɔtsa kī bɔakɛna Baguma adzuma?”

^{XXIX} Yesu kpa bɛ mbuayɛ kī, “Lɛtsa a kī Baguma awɛ kī mikɛna nyɛ kī mite oti a kī edo a mido.”

^{XXX} Ade bivia yɛ kī, “Nsentsɛlɛni awɔdabɛ aakɛna bɔmó lɔkɔa bɔtɛ nɔ budo? Litsa aakɛna?”

^{XXXI} Boe bawanyɔ nya funitsã a kī bawɛ mana a nɛ kɔsa kamɛ ndɛ ayekī bɛlɛ nɛ Katsɛlɛ Kpalɛwa a kamɛ kī, ‘Ɛkpa bɛ abodoo etomɛna ode kī bɛnya.’ ”

^{XXXII} Yesu bi bɛ kī, “ɔnɔkɔali a mabi mi kī, nné Mose lɛkpa mi abodoo a etomɛna ode, mbom Nda akpa abodoo wĩ katomɛna ode.

XXXIII Kitonekĩ Baguma abodoo a nyé oti a kĩ eto ode eya kĩ yakpa katinya nkpã.”

XXXIV Ade bibi ye kĩ, “Boe ɔlate, kpa boe abodoo kĩ daa.”

XXXV Yesu bi be kĩ, “Yĩ nye abodoo a kĩ yakpa nkpã. Odi nye odi kĩ eya ne yĩ sekẽ ni, kɔle leláako ye da, ade odi nye odi kĩ ete yĩ edo ni, ɔmɔado leláako ye da. XXXVI Finyaa mbi mi kĩ, mimó yĩ, lɛmɛ miáte mido. XXXVII Odi nye odi kĩ Nda kɔa ekpa yĩ ni, yaaya ne yĩ sekẽ, ade odi nye odi kĩ eya ne yĩ sekẽ ni, nláablɔmena ye da, XXXVIII kitonekĩ nto ode ãya, nné kĩ mayaakena ne yĩ mɔawe kawɛ akũ, mbom kĩ makena oti a kĩ edo yĩ a odi kawɛ akũ. XXXIX Ade oti a kĩ edo yĩ a kawɛ nye kĩ bati a kĩ ekɔa ekpa yĩ a kame odima etayela, mbom kĩ ndzela be flee bidzi nkpã ne luwi nkaɛ a akũ. XL Kitonekĩ Nda kawɛ nye kĩ odi nye odi kĩ emó Obi a mɔ ete ye edo lɛmɛ ni, ena nkpã kĩ elá kawũna a. Ade maadzela ye edzi nkpã ne luwi nkaɛ a akũ a.”

XLI Yudafo a do hũhũhũhũ kakena awe ne Yesu akũ, kitonekĩ ele kĩ, “Yĩ nye abodoo a kĩ eto ode eya a.” XLII Foesũ bele kĩ, “Nné Yesu, Yosef obinyole a kĩ bunyina ɔlega mɔ ɔma flee a ne awĩ a? Nde foaya mɔ finyaa yale kĩ ode eto eya?”

XLIII Ade Yesu kpa be mbuaye kĩ, “Mifõ hũhũhũhũ kakena ne mi kame. XLIV Odima leláapuli eya ne yĩ sekẽ mboente Nda a kĩ edo yĩ a vele ye ema yĩ, ade maadzela ye edzi nkpã ne luwi nkaɛ a akũ a. XLV Baguma onukpẽ banyene a tsele biyi kĩ, ‘Baguma aatsa bati flee fɔtsa!’ Odi nye odi kĩ etse ɔlega a, ekɔle fɔtsa etomena ye sekẽ ni, aya ne yĩ sekẽ. XLVI Lɛmɛ fukĩ látsa kĩ

odi mó tǒ Ɔlega a, mbɔentɛ oti a kǐ eto Baguma sekẽ a odi lemɔ Ɔlega a. **XLVII** Mabi mi ne ɔnɔkoali kame kǐ odi nye odi kǐ ete edo ni, edeĩ nkpã kǐ elá kawũna a. **XLVIII** Yĩ nye abodoo a kǐ yakpa nkpã. **XLIX** Mi bawanyɔ nya mana ne kɔsa kame, leme biku. **L** Leme abodoo a kǐ eto ode ɛya a aafɔ odi nye odi kǐ yanya ye a leláaku. **LI** Yĩ nye abodoo a kǐ yakpa nkpã, kǐ eto ode ɛya a. Nte odi nya abodoo kǐ ni, yaadzi nkpã daa, ade ke abodoo a kǐ maakpa ye a nye yĩ sukena, kǐ makpa katinya kame bati bena nkpã.”

LII Fukĩ fɔ Yudafo a yi foletsa kavele kayɔ ne kalokpa kame ne be kame ade bivia kǐ, “Nde oti kǐ aapuli ekɔa ye sukena ekpa boe kǐ bɔba?”

LIII Ade Yesu bi be kǐ, “Mabi mi ne ɔnɔkoali kame kǐ nte mitába Otidziwa Obi a sukena, mimɔa ye babɔane a ni, miláana nkpã ne mi kame. **LIV** Odi nye odi kǐ eba yĩ sukena emɔa yĩ babɔane leme ni, yaana daa nkpã a, ade maadzela ye edzi nkpã ne luwi nkaɛ a akũ a. **LV** Kitonékĩ yĩ sukena nye funitsã wĩ a, ade yĩ babɔane leme nye bave wĩ a. **LVI** Odi nye odi kǐ yaba yĩ sukena, kǐ yamɔa yĩ babɔane leme ni, edeĩ ne yĩ kame ade yĩ malo ndeĩ ne ye kame a. **LVII** Nde ayekĩ Ɔlega a kǐ edzi nkpã do yĩ a, kǐ ndzi nkpã ne ye sũ a, ade ayea odi nye odi kǐ eba yĩ sukena leme aadzi nkpã ne yĩ sũ a. **LVIII** Ade abodoo a kǐ eto ode a ne awĩ a. Elá nde mana a kǐ mi bawanyɔ nya leme ke liti, biku a. Odi nye odi kǐ enya abodoo kǐ aadzi nkpã daa.” **LIX** Yesu le fukĩ ne lokɔ a kǐ ekatsa fɔtsa ne Yudafo katsenakɔ ne Kapernaum.

Yesu Tsa Fotsa Ne Daa Nkpã a Akũ.

LX Yesu fotsa bakolene a pii nu foletsa kii ade bele ki, "Fotsa katsa kii tené osi! Owei aapuli ete foe?"

LXI Yesu mó eyi osũ ki bekakena hũhũhũhũ, foesũ ebi be ki, "Mbɔɛɛ fukii fõ miawe ki miakpa lolɔ? **LXII** Kekõ nde fõana nte mimó Otidziwa Obi a ki emuniki ede yanaa ode, awã ki ena tõ a? **LXIII** Baguma Hũhũ a akpa nkpã, otidziwa kɔbẽ lelãa letsama kame. Foletsa a ki mbi mi a nye Hũhũ kame foletsa ki foe kame nkpã deĩ. **LXIV** Leme mi kame badi tãte bido." Kitoneki Yesu nyi kito ane kayokayi a bati a ki belãate bido mo oti a ki ye aanye ye ekpa a. **LXV** Ele ebu ki, "Ade fukii sũ mbi mi ki odima lelãapuli eya ne yi sekẽ mbɔente Olega a kpa ye osi."

LXVI Kito fukii akũ a, Yesu fotsa bakolene a badi pii muniki ne ye liti, ade betábuki bitomo ye a.

LXVII Foesũ evia fotsa bakolene ewua-nviã a ki, "Mi malo miawe ki miadzakũ mbɔɛɛ?"

LXVIII Ade Simon Petro kpa ye mbuaye ki, "Boe Olate, owei sekẽ bóadzakũ bɔnaa? Nɔ deĩ daa nkpã a foletsa. **LXIX** Finyaa kõ bote budo ade bunyina ki nɔ nye Oti Kpalewa a ki eto Baguma sekẽ a."

LXX Ade ke Yesu kpa mbuaye ki, "Nné mi bati ewua-nviã mpau? Leme mi kame omɔa nye Abonsam!" **LXXI** Yuda, Simon Iskariot obi a akũ foletsa ekale, kitoneki tito ki enye be ewua-nviã a kame omɔa malo ni, ade ye aanye ye ekpa a.

VII

Yesu Mo Bawaẽ.

^I Ke liti a, Yesu natsã emini ne Galilea tite akũ, ετάωε kĩ yamini ne Yudea tite kame, kitonekĩ Yudafɔ banɔkɔẽ ne awã kawε kĩ bakɔ ye. ^{II} Ne lɔkɔ a na kame a, Yudafɔ Tεpatampa Kayɔ Kadzi Luwi kanya a fuã, ^{III} foesũ Yesu bawaẽnyole bi ye kĩ, “Dzakũ ne awĩ kanaa Yudea tite akũ, lɔkɔa nɔ fɔtsa bakɔlene a lemε bemɔ adzuma a kĩ olamena kakena a. ^{IV} Odima lákɔla ye adzuma nte yawε kĩ bati binyi ye kanyi wĩ. Nte nuwĩ olamena fɔtsa kĩĩ bame flee kakena ni, nye nɔ akũ katsa katinya kame bati flee!” ^V Yesu bawaẽnyole a le fukĩ kitonekĩ be malo betáte ye bido.

^{VI} Ade Yesu bi be kĩ, “Yĩ lɔkɔ wĩ táwo tɔ ɔto, lemε mi kɔ̃ lɔkɔ nye lɔkɔ nene lekpa mi. ^{VII} Katinya kame bati lelápuli bikesĩ mi, lemε yĩ kɔ̃ bakesĩ yĩ, kitonekĩ ndzemɔ be kabi kĩ be tudzuma nye tɔkpa. ^{VIII} Minaa luwi a kanyakɔ̃. Yĩ kɔ̃ nláanaa luwi kĩĩ kanyakɔ̃, kitonekĩ yĩ lɔkɔ wĩ táwo tɔ ɔto.” ^{IX} Kĩ Yesu le fukĩ eyua a, ebuki ekaho ne Galilea.

Yesu Naa Tεpatampa Kayɔ Kadzi Luwi Kanyakɔ̃.

^X Kĩ Yesu bawaẽnyole a dzakũ benaa luwi kanyakɔ̃ a, ye malo εyanaa awã, lemε εtányε ye akũ etsa, mbom ebela ye akũ. ^{XI} Yudafɔ banɔkɔẽ a kawε ye ne luwi a kanyakɔ̃, bekavia kĩ, “Nde oti a?”

^{XII} Bati kɔdabu a kale kɔdzela pεtεε pεtεε ne Yesu akũ. Be kame badi le kĩ, “Oti wĩ yanε.”

Ade babebã lemε le kĩ, “Oowo, etsẽ yake bati.” ^{XIII} Lemε odima tápuli εle foe kɔɔba, kitonekĩ bivila Yudafɔ banɔkɔẽ a.

XIV Kĩ kite sukuloo luwi kanya a atẽ de kayite a, Yesu naa Baguma Asoli Kola a kame enado bati fotsa katsa awe. XV Ye fotsa katsa a kena Yudafɔ banɔkɔẽ a wãwã paa, ade bele kĩ, “Nde oti kĩĩ kena enyina ovoli lɔmɔ, kĩ etána fotsa kakɔle kadima?”

XVI Yesu kpa be mbuaye kĩ, “Fotsa a kĩ matsa a lenyé yĩ mɔawe fude, mbom futo Baguma kĩ edo yĩ a sekẽ. XVII Odi nye odi kĩ yawe kĩ yakena ne letsa a kĩ Baguma awe akũ a, aanyi nte fotsa a kĩ matsa a to Baguma sekẽ ñye male foe ne yĩ mɔawe kobẽ akũ. XVIII Oti kĩ yatsa fotsa ne ye mɔawe kobẽ akũ ni, obu yawe ekpa ye akũ. Lemɛ nte oti awe obu ekpa oti a kĩ edo ye a ni, enye ɔnɔkɔalini, ade tɔkpa tidima leláa ye kame a. XIX Mbɔɛɛ nné Mose lekpa mi mbla a? Lemɛ mi kame odima lákena ne mbla a akũ. Nde sũ miawe kĩ miako yĩ?”

XX Ade bati kɔdabu a bi ye kĩ, “Hũhũ kpa deĩ ne nɔ kame! Owei awe kĩ yako nɔ?”

XXI Yesu kpa be mbuaye kĩ, “Awãwã fotsa mɔa kĩĩ nkena, ade mi flee mikena saa a. XXII Mose kpa mi mbla kĩ mitsua mi babinyole fɔkpati, ade tito kĩ nné Mose sekẽ futo, mbom mi bawanyɔ liyi foe kayɔ malo ni, miatsua onyole lekpati ne Kaweya Luwi akũ. XXIII Nte bitsua obi lekpati ne Kaweya luwi akũ ayekĩ beláafum Mose mbla a ni, nde sũ mina kalɔkpa ne yĩ akũ kĩ ntsa oti fɔsɔ ne Kaweya Luwi a akũ? XXIV Mitadã bati anɛ midze miko kɔtɔ, mbom midze kale ne ke osi kpĩĩ akũ.”

Bati Badi Te Atsindze Kĩ Nné Yesu Nye Kristo a.

XXV Yerusalem omato a kame bati badi via kī, “Nné oti kī Yudafō banokōē a lamena kawē kī bako a ne awī a? XXVI Midā kī edzē ne kanade yale kodzela, kī betávia ye kadima. Mbōē fóanya kī omaī banokōē a nyina nuwī kī ye nye Kristo a? XXVII Boe flee bunyina awā kī oti kī kō to, leme nte Kristo a ya ni, odima lelányi awā kī eto.”

XXVIII Kī Yesu katsa fotsa ne Baguma Asoli Kola kame a, ebōa fowola kōba ele kī, “Kale miale kī miti minyina yī mō awā kī nto a? Ntáya ne yī mōawe kōē akū. Oti a kī edo yī a nye onokōalini kī mi minyina ye, XXIX leme yī kō ñnyina ye, kitonekī ye sekē nto ñya ade ye lido yī a.”

XXX Ne foesū bewē kī bapi Yesu, leme odima tákōa awe eta ye, kitonekī ye loko táwo tō oto. XXXI Leme bati kodabu a kame bati pii te ye bido ade bivia kī, “Nte Kristo a ya ni, yaakena awāwā fotsa pii fōba fukī oti kī lamena kakena a?”

Bido Asoli Kola Akū Badāmenane Kī Benaapi Yesu.

XXXII Farisifo nu folets a kī bati kodabu a lamena kale petēē petēē ne Yesu akū a, foesū bemō Yudafō basōfonokōē a bido Asoli Kola akū badāmenane a kī benaapi ye.

XXXIII Ade Yesu le kī, “Maana ne mi sekē fubuna owi sukuloo, loko maadzakū nnaa oti a kī edo yī a sekē. XXXIV Míawe yī leme miláamo yī, kitonekī miláapuli miya ne awā kī maana a.”

XXXV Yudafō banokōē a via akū kī, “Ne ndia ewe kī yanaa kī boláapuli bomó ye? Mbōē kī yanaa Yudafō a kī begba biko ne Helafō kame a enaatsa Helafō a fotsa? XXXVI Ele kī bóawe ye

lemε boláamɔ ye, ade boláapuli bonaa awã kī yaana a. Foe kayɔ nyε litsa?"

Yesu Nyé Nkpã Mui a.

XXXVII Nε luwi nkaε a kī lenyε luwi titiliwu nε fuwi kanya kame akū a, Yesu yidza εdza ade εboα fowola εle kī, "Odi nyε odi kī omɔado akɔ ye ni, εya nε yī sɛkē εyaamɔα mui. XXXVIII Nde ayekī Katsɛle Kpalɛwa a lε a, 'Odi nyε odi kī εtε yī edo ni, nkpã towɔ aatini bito ye owolε kame.' " XXXIX Yesu kale kodzela nε Hūhū a kī bikī bεtε ye bido a aayate a akū. Nε loko a na kame a, betákpa tō Hūhū a, kitonekī betádzela Yesu ewo nε kukūkpalε kame.

Kasē Wo Nε Yudafo a Kame.

XL Kī bati a badi nu fɔletsα a kī Yesu lε a, bεle kī, "Onokɔali, Baguma Onukpē Onyene a nyε oti kīi."

XLI Babebã lε kī, "Ade Kristo a nε awī a."

Lεmε bati bebã kō via kī, "Mbɔεε Galilea tite akū Kristo a aato εya? XLII Katsɛle Kpalɛwa a tále kī Kristo aato Lεgã Dawid kasinu a kame, ade baama ye nε Betlehem, omato a kī Dawid dzi a kame?" XLIII Foesū kasē wo nε bati kodabu a kame nε Yesu sū. XLIV Badi wε kī bapi ye, lemε odima tákɔα awε εta ye.

Yudafo Banokōē a Táte Yesu Bido.

XLV Kī Asoli Kɔla akū badāmenanε a muniki bεya nε Yudafo basofonokōē mɔ Farisifo a sɛkē a, bivia be kī, "Nde sū mitápi ye miyamena?"

XLVI Asoli Kɔla akū badāmenanε a kpa mbuaye kī, "Odima tále tō kodzela nde ayekī oti kīi ale a!"

XLVII Ade Farisifo a via be kī, “Mboue enake mi malo? XLVIII Onokoẽ ãye Farisini odabe letẽ ye edo kī minyina? XLIX Ade bati kodabu kī, kī binyina Mose mbla a sũ ni, Baguma dumu be!”

L Nikodemo kī enye Farisifo a kame omoa, kī enaa Yesu sekẽ tã a na ne awã. Edo onukpẽ ebi be kī, LI “Boe mbla takpa boe osi kī bokoo oti koto, mboente bodzemo ye butse ye onukpẽ kame foletsa bunyi letsa a kī ekena a.”

LII Bibi ye kī, “Mboue Galilea no malo oto? Tsã Katsẽle Kpalẽwa a kame kadã, lokoa aamo kī Baguma onukpẽ onyene odima lato Galilea.” LIII (Ke liti a, odi nye odi dzakũ enaa kola.)

VIII

Bipi Otsole Odi Kĩ Ené Onyo Liti.

I Lemẽ Yesu de enaa Kugua Futse Oto a akũ. II Kĩ kade nyina onone tutuutu a, Yesu muniki eya ne Baguma Asoli Kola a kame. Bati pii yakpota ne ye akũ, ade ekena akũ edzi eyi be fotsa katsa kayo a. III Yudafõ mbla batsane mo Farisifo a kpã otsole odi ne adopaa kaboa kame beyadzela ne bati a flee ane kame. IV Ade bibi Yesu kī, “Fotsa Otsane, bipi otsole kī kī onyole bebã awa mo ye. V Ne boe mbla a kame ni, Mose kpa otumi kī betalẽ otsole kī odu boe beko. Litsa no kõ ale ne foe akũ?” VI Bivia fukĩ kī bakoa banaĩ ye, ayekĩ baana kale kadi bekõa bitsua ye onukpẽ.

Lemẽ Yesu kena akũ ekõa lawobi etsẽle fotsa ne tite.

VII Kĩ bedza bekavia ye foletsa a, edzela akũ ade ebi be kī, “Mi kame owula a kī etakena tokpa

tidima t̄o ni, enya loto eta de eboa otsole a.”

^{VIII} Ade ke ebuki ekena akū etsɛɛ fotsa nɛ tite a.

^{IX} Kī binu fɔletsɛ kī a, be flee bɛdzakū ɔmɔa ɔmɔa, kito banɔkɔɛ a akū kenawo kī kite Yesu mɔ otsole a odi nɛ awā.

^X Yesu dzɛla akū evia otsole a kī, “Boe ɔma, nde bati a? Be kame odima táte kī yakɔ nɔ kɔtɔ?”

^{XI} Otsole a kpa mbuayɛ kī, “Ɔnɔkɔɛ, oowo.”

Ade ke Yesu bi ye kī, “Kekɔ yī malo ntáko nɔ kɔtɔ. Dzakū kanaa, lɛmɛ tabuki ɔkena tɔkpa.”

Yesu Nyé Katinya Kame Ɔhaĩ.

^{XII} Yesu buki ebi bati a kī, “Yī nyɛ katinya kame ɔhaĩ, odi nyɛ odi kī etomɔ yī ni, yaana nkpā ɔhaĩ a, ade eláatsā nɛ ɔtū kame da a.”

^{XIII} Farisifo a bi ye kī, “Adi adansie nɛ nɔ mɔawɛ akū, foesū nɔ adansie a tákpɔla.”

^{XIV} Yesu kpa be mbuayɛ kī, “Nte madi adansie nɛ yī mɔawɛ akū malo ni, letsa a kī male a kpɔla, kitonekī ñnyina awā kī nto mɔ awā kī manaa a. Mi linyina awā kī nto ñye awā kī manaa a.

^{XV} Miadze fɔletsɛ nɛ batidziwa kamɔ onukpɛ, lɛmɛ yī kɔ maádzemɔ odima. ^{XVI} Lɛmɛ nte maadze mɔ bati ni, yī kadze a aakpɔla, kitonekī

nné yī odi adze kale, mbom bɔmɔ Nda a kī edo yī a adze fɔletsɛ. ^{XVII} Betsɛɛ nɛ mi mbla a kame kī nte adansifo nviã onukpɛ kena ɔmɔa ni, letsa a kī beɛ a kpɔla. ^{XVIII} Madi adansie kakpa yī akū, ade Nda a kī edo yī a lɛmɛ adi yī akū adansie a.”

^{XIX} Bati a via Yesu kī, “Ndia aga deĩ?”

Ekpa be mbuayɛ kī, “Minyina yī, ñye Nda. Nte kanyina minyina yī ni, kufɛ míanyi Nda lɛmɛ.”

^{XX} Yesu lɛ fɔletsɛ kī flee nɛ tɔgɔɛ katekɔ a, kī

ekatsa fotsa ne Asoli Kola kame a, leme odima tapi ye, kitoneki ye loko tawo to to.

Yesu Bi Yudafɔ Banɔkɔɛ a Ki Belɔapuli Bena Awɔ Ki Yanaa a.

^{XXI} Yesu buki ebi be ki, "Maadzaku, ade miawe yi, leme miaku ne mi tokpa kame. Milapuli minaa awa ki manaa a."

^{XXII} Ade ke Yudafɔ banɔkɔɛ a via ki, "Ye aku yanaako su mo ele ki, 'Milapuli miya ne awa ki manaa a?'"

^{XXIII} Yesu kpa be mbuaye ki, "Tite ki aku mito, leme yi ko ode nto iya. Katinya ki kame bati miane, leme ne katinya ki kame oti mane.

^{XXIV} Ade fesu mbi mi ki miaku ne mi tokpa kame a. Miaku ne mi tokpa kame ne mitate mido ki yi nye oti a ki ye mane a."

^{XXV} Bedani bivia ye ki, "Owei ane?"

Yesu kpa be mbuaye ki, "Leta a ki mbi mi kito ane kayokayi a, ade foe mape a. ^{XXVI} Nde foleta pii ki maale ne mi aku nko mi koto, leme oti a ki edo yi a adi onokoli, ade leta a ki nnu ntomena ye seke a odi mabi katinya kame bati a."

^{XXVII} Bati a tanu foe kayo ki Olega aku foleta Yesu kabi be. ^{XXVIII} Fesu ebi be ki, "Nte midela Otidziwa Obi a ne ode a fomo mianyi ki yi nye oti a ki ye mane a. Ade ke mianyi ki maakena letsama ne yi mawe kobe aku, mbom leta a ki Nda tsa yi ki ne a odi male. ^{XXIX} Oti a ki edo yi a de ne yi we. Etafone yi odi eyi, kitoneki makena leta a ki lawo ye ane a daa." ^{XXX} Ki Yesu le foleta ki a, bati pii te ye bido.

Bati a Ki Benye Abraham Babi.

XXXI Yesu bi Yudafɔ a kī bete ye bido a kī, “Nte mite yī fɔtsa katsa a midomɔ akū ni, kekɔ yī fɔtsa bakɔlene wī miane. XXXII Míanyi ɔnokɔali a, ade ɔnokɔali a aakpa mi akū akū kadzi a.”

XXXIII Bati a kpa ye mbuaye kī, “Abraham babi mɔ bawa bɔane, ade bɔtányá tǔ odima basate a. Nde sū ale kī, ‘Míana akū akū kadzi?’”

XXXIV Yesu bi be kī, “Mabi mi ɔnokɔali a kī odi nye odi kī yakena tɔkpa ni, enye tɔkpa ɔsate.

XXXV ɔsate lánya kɔla obi daa, leme obinyole kɔ nye kɔla obi daa. XXXVI Foesū nte Obi a kpa mi akū akū kadzi ni, lɔkɔa mina akū akū kadzi wī.

XXXVII Īnyina kī Abraham babi mɔ bawa miane, leme miawe kī miakɔ yī, kitonekī yī fɔtsa katsa a táwo ne mi kame. XXXVIII Fɔtsa a kī mmó ne Nda sekē a, ade foe akū male kɔdzela a, leme mi kɔ miakena letsa a kī mi ɔlega bi mi a.”

XXXIX Bibi ye kī, “Boe ɔlega nye Abraham.”

Yesu kpa mbuaye kī, “Nte Abraham babi mɔ bawa paa miane ni, kufe míakena fɔtsa nde ayekī ekena a. XL Leme miawe kī miakɔ yī oti a kī mbi mi ɔnokɔali fɔletsá a kī nte ntomena Baguma sekē a. Abraham tákena fukī odu. XLI Mi miakena letsa a kī mi ɔlega a kena a.”

Bekpa ye mbuaye kī, “ɔlega mɔape budeĩ, ade ye nye Baguma a. Bonyé adɔpaa kame babi.”

XLII Yesu bi be kī, “Nte Baguma liti enye mi ɔlega ni, kufe míawe yī kale, kitonekī Baguma sekē nto ĩya. Ntáya ne yī mɔawe kobē akū, mbom Baguma lido yī. XLIII Nde sū miánu fɔletsá a kī male a kayɔ? Kitonekī miáwe kī miatse yī fɔletsá a. XLIV Mi ɔlega Abonsam bade miane, ade miawe kī miakena ne mi ɔlega a fɔwetsá akū a.

Owudini yane kito ane kayokayi, ade yaátomɔ ɔnokɔali liti a, kitonekĩ ɔnokɔali leláa ye kame da. Nte ema fɔvã ni, ye kutitse enye yatsa, kitonekĩ enye ɔvãlevã mɔ fɔvã ɔlega. ^{XLV} Leme yĩ kɔ ɔnokɔali a mabi mi, ade foesũ miáte yĩ mido a. ^{XLVI} Mi kame owei aapuli eko yĩ koto kĩ nkena tokpa? Nte nle ɔnokɔali a ni, nde sũ mitáte yĩ mido? ^{XLVII} Oti kĩ eto Baguma kame a, atse Baguma foletsa. Leme ayekĩ mitáto Baguma kame sũ ni, miáte yĩ foletsa.”

Yesu Mɔ Abraham.

^{XLVIII} Yudafɔ a via Yesu kĩ, “Nte bole kĩ Samariani ane, ade hũhũ kpa leme deĩ ne no kame a ni, botále ɔnokɔali?”

^{XLIX} Yesu kpa be mbuaye kĩ, “Hũhũ kpa adima leláa yĩ kame. Makpa Nda obu leme mi miasupa yĩ. ^L Maáwe kĩ mado yĩ akũ obu, leme odi deĩ kĩ yawe foe ade ye adze kakpa yĩ a. ^{LI} Mabi mi ne ɔnokɔali kame kĩ, odi nye odi kĩ yakena ne yĩ fotsa katsa a akũ a, leláaku da.”

^{LII} Yudafɔ a bi ye kĩ, “Ade owi bómó pefee kĩ hũhũ kpa deĩ ne no kame a! Abraham ku, Baguma onukpě banyene a leme ku. Leme no kɔ ale kĩ, ‘Odi nye odi kĩ yakena ne yĩ fotsa katsa a akũ a, leláaku da.’ ^{LIII} Mbɔee no bẽ boe ɔwanyɔ Abraham kĩ eku a? Baguma onukpě banyene a leme ku. Owei abu kĩ ye ane?”

^{LIV} Yesu kpa be mbuaye kĩ, “Nte mado yĩ moawe akũ obu ni, yĩ obu a leláana nfasɔ. Oti a kĩ ye ado yĩ obu a nye Nda, oti kĩ miale kĩ enye mi Baguma a. ^{LV} Minyína Nda a, leme yĩ kɔ ñnyina ye. Nte nle kĩ ñnyína ye ni, maakena ɔvãlevã nde

mi aye. Leme nti ñnyina ye ade makena ne ye kale a akũ a. ^{LVI} Mi ɔwanyɔ Abraham mó kawɔle kĩ yaamɔ yĩ kaya. Emó ke leme ade kawɔle de ye a.”

^{LVII} Ade ke Yudafɔ a bi ye kĩ, “Ɔtáte tɔ futeli aduenum malo, ke mɔ ale kĩ ɔmó Abraham a?”

^{LVIII} Yesu kpa mbuaye kĩ, “Mabi mi ne ɔnokɔali kame kĩ, yĩ ndeĩ fɔmɔ bema Abraham.”

^{LIX} Ade ke bati a fila boe kĩ bata bebɔa ye a, leme Yesu bela, ade ene ne Baguma Asoli Kola a kame a.

IX

Yesu Binya Oti Kĩ Bema Ɖnekunɛ Anɛ.

^I Kĩ Yesu anaa a, emó onyole odi kĩ bema ye ɔnekunɛ. ^{II} Ade ye fɔtsa bakɔlenɛ a via ye kĩ, “Fɔtsa Ɖtsanɛ, owei tɔkpa sũ bema onyole kĩ ɔnekunɛ? Ye mɔawe tɔkpa mbɔɛɛ ye bamane tɔkpa sũ?”

^{III} Yesu kpa be mbuaye kĩ, “Nné onyole kĩ ñye ye bamane lekɛna tɔkpa, mbom bema ye ɔnekunɛ, ayekĩ baanye Baguma kɔbɛ adzuma betsãmena ye akũ. ^{IV} Nte budeĩ ne kade kanyina kame ni, kenɛ kĩ bɔakɛna adzuma bɔkpa oti a kĩ edo yĩ a. Kade aya kadɔkɔ kĩ odima lelãapulɛ ekɛna adzuma. ^V Kĩ ndeĩ ne katinya kame kĩ ni, yĩ nye katinya kame ɔhaĩ a.”

^{VI} Kĩ Yesu le fɔletsã kĩ eyua a, etua tane eyi ne tite, efɔnɛ te ekɔa etsela onyole a ne banebi.

^{VII} Ade ebi ye kĩ, “Naavɔle anɛ ne Siloam Lutubu a kame.” Dĩ Siloam kayɔ nye, bido ye. Ade onyole a navɔle anɛ, ade emó fɔkɔ kĩ emuniki yaya a.

VIII Ye badzikoba mo bikĩ bekamo ye kĩ ekawã fotsa a via kĩ, “Mbɔɛɛ nné oti kĩ adzi kawã fotsa a?”

IX Badi le kĩ, “Ade ye a.” Leme babebã le kĩ, “Oowo, nné ye yanɛ, kanɛ ené ye.”

Nɛ foesũ oti a moawɛ le kĩ, “Ye manɛ.”

X Bivia ye kĩ, “Nde fɔya mo finyaa kɔ mo amo foko?”

XI Ekpa mbuayɛ kĩ, “Onyole a kĩ bave Yesu lɛfɔnɛ tite ekputa yĩ banebi ade ebi yĩ kĩ naavɔle anɛ nɛ Siloam Lutubu a kame. Foesũ nnaa adeke, kĩ nsila nvɔle anɛ pɛ, mpuli mmó foko.”

XII Bivia ye kĩ, “Nɛ ndia edeĩ?”

Ekpa be mbuayɛ kĩ, “Ĩnyína.”

Farisifo Via Oti a Kĩ Ye Anɛ Bibinya a Fɔletsɔ.

XIII Ade ke bati a kpã onyole a kĩ eku tɔ anɛ a bema Farisifo a. XIV Luwi a kĩ de akũ Yesu fɔnɛ tite ekɔa ebinya ye anɛ a nye Kaweya Luwi.

XV Foesũ Farisifo a lɛmɛ via ye ayekĩ fɔkena fomo bibinya ye anɛ. Ekpa be mbuayɛ kĩ, “Ekɔa tite fɔnɛwa ekputa yĩ banebi. Efɔ nnavɔle anɛ, ade finyaakĩ mpuli mamɔ foko a.”

XVI Farisifo a badi le kĩ, “Oti a kĩ ekɛna fukĩ tãto Baguma sekẽ, kitonekĩ yaákɛna nɛ Kaweya Luwi mbla a akũ.”

Ade babebã lɛmɛ via kĩ, “Nde fɔaya kĩ tokpa okɛnanɛ aapuli ekɛna nsentsɛleni kĩ odu?” Nɛ foesũ kasẽ wo nɛ be kame.

XVII Farisifo a buki bivia onyole a kĩ, “Kĩ ɔle kĩ ye libinya no anɛ a ni, no malo litsa odeĩ kĩ ale nɛ ye akũ?”

Onyole a kpa be mbuayɛ kĩ, “Baguma onukpẽ onyɛnɛ yanɛ.”

XXVIII Leme Yudafɔ a táwe kĩ batɛ bido kĩ onyole a nya tɔ̃ ɔnekunɛ fɔmɔ ye anɛ binya, kenawo kĩ beve ye bamanɛ beyamena.

XXIX Ade bivia be kĩ, “Mi obi a kĩ milɛ kĩ mima ye ɔnekunɛ a nɛ awĩ a? Nde fɔya mɔ finyaa kɔ̃ yamɔ fɔkɔ?”

XX Ye bamanɛ a kpa mbuayɛ kĩ, “Bunyina kĩ boe obi yanɛ, ade bunyina kĩ bɔma ye ɔnekunɛ a. **XXI** Leme ayekĩ fɔkɛna fɔmɔ yamɔ fɔkɔ a ni, bunyína foe kɔ̃, ade bunyína oti a kĩ ye libinya ye anɛ a lemɛ a. Mivia ye mɔawɛ a, ebo anɛ, yaapuli enye ye akũ onukpɛ̃.” **XXII** Ye bamanɛ lɛ fɔletsɛ kĩ ayekĩ bekavila Yudafɔ a sũ. Kitonɛkĩ Yudafɔ banɔkɔ̃ɛ a lɛ biyi kɔkɔɛ kĩ nte odi tɛ edo kĩ Yesu nyɛ Kristo a ni, baablɔmena ye nɛ Yudafɔ katsɛnakɔ̃ a. **XXIII** Ade foesũ ye bamanɛ a lɛ kĩ, “Ebo anɛ, mivia ye mɔawɛ a!”

XXIV Banɔkɔ̃ɛ a vɛ onyole a kĩ bema ɔnekunɛ a lɛyade ade bibi ye kĩ, “Lɛ ɔnɔkɔali a nɛ Baguma anɛ! Bunyina kĩ onyole a kĩ etsa nɔ a nyɛ tɔkpa ɔkɛnanɛ.”

XXV Onyole a lɛ kĩ, “Nte enye tɔkpa ɔkɛnanɛ o-o, ñye enyé tɔkpa ɔkɛnanɛ o-o, ñnyína. Letsa mɔapɛ kĩ ñnyina nyɛ kĩ ñnya tɔ̃ ɔnekunɛ, lemɛ finyaa mamɔ fɔkɔ.”

XXVI Banɔkɔ̃ɛ a via ye kĩ, “Litsa ɛkɛna nɔ? Nde ɛkɛna ebinya nɔ anɛ?”

XXVII ɛkpa be mbuayɛ kĩ, “Mbi mi foe kɔkɔɛ lemɛ miáwɛ kĩ miatse foe. Nde sũ miawɛ kĩ miabuki mitse foe? Mbɔɛɛ mi malo miawɛ kĩ minya ye fɔtsa bakɔlɛnɛ?”

XXVIII Bivũna ye beɛ kĩ, “Nɔ odi nyɛ ye fɔtsa ɔkɔlɛnɛ, lemɛ boe kɔ̃ Mose fɔtsa bakɔlɛnɛ bɔanɛ.

XXIX Bunyina kī Baguma bi Mose foletsa, leme oti a naa kō bunyina awā kī eto malo!”

XXX Ade onyole a bi be kī, “Litsa awāwā foletsa a? Minyina awā kī eto, leme ade ye libinya yī ane a! XXXI Bunyina kī Baguma látse tokpa bakenane, leme yatse bati a kī bakpa ye obu, kakena ne ye yawe akū a. XXXII Kito ane katinya kayokayi a, botānu tō kī odi puli ebinya oti kī bema onekune ane. XXXIII Nte etato Baguma sekē ni, kufe elāapuli ekena letsama.”

XXXIV Banokōē a via ye kī, “Katsa atsa kī nō a kī bema bedōola ne tokpa kame a, nō mbom awe kī atsa boe fotsa?” Ade beblomena ye ne Yudafō katsenakō a.

Yesu Tsá Bati a Kī Biku Anē Ne Hūhū Kame.

XXXV Yesu nu kī beblomena onyole a ne be kame, foesū kī emó onyole a, evia ye kī, “Ɔte Otidziwa Obi a odo?”

XXXVI Onyole a kpa mbuaye kī, “Ɔnokōē, bi yī oti a kī yanē, ayekī maapuli nte ye ndo!”

XXXVII Ade Yesu bi ye kī, “Ɔmó ye kōkōe, ade ye nye oti a kī elamena kōdzela kale mō nō finyaakī a.”

XXXVIII Onyole a le kī, “Boe Ɔlate, nte ndo!” Ade ke eke aduli ne Yesu ane a. XXXIX Yesu le kī, “Īya ne katinya kī kame kī mayaadzemo bati, ayekī banekune aamo fokō, ade bikī bamō fokō a aadani banekune.”

XL Farisifo a kī bedzē ne awā a badi nu letsa a kī ele a, ade bivia ye kī, “Katsa atsa kī boe malo banekune boane mbōe?”

XLI Yesu kpa be mbuaye kī, “Nte kaku mi ane eku ni, kufe beláako mi koto, leme kī miale kī miamo foko sū ni, tokpa deñ ne mi akū.”

X

Yesu Bɔa Legbã Ne Baveli Okpãne Akū.

I Yesu le kī, “Mabi mi ne onokɔali kame kī, oti kī etátsã onyukpẽ a ewo ne baveli kobã kame, mbom ede etsã kobã a akū ewo ni, enye oyekpane mo oblofo. II Oti a kī etsã kobã onyukpẽ ewo a nye baveli okpãne a. III Ade ye mo kobã onyukpẽ odzolene a abinya kakpa ye, ade baveli a anu ye odo a. Yave ye bade a bui a kī ete be a, kakpã be kanemena kanya. IV Nte ekpã be enemena a, yanya be loto, ade baveli a atomo ye, kitonekī binyina ye odo. V Beláatomo oti bebã, mbom baalo ne ye sekẽ, kitonekī binyina ye odo.”

VI Yesu bɔa be legbã kī, leme betánu letsa a kī yatsa a kayo.

Yesu Nyé Baveli Okpãne Wī a.

VII Ne foesū Yesu buki ele kī, “Mabi mi onokɔali a kī yī nye baveli a kobã onyukpẽ a. VIII Bati bebã a kī benya yī loto beya flee a nye bayekpane mo bablofo, foesū baveli a tátse be foletsa. IX Yī nye kobã onyukpẽ a. Odi nye odi kī etsã yī akū ewo ni, yaana kate. Yaawo ene, ade yaana funitsã kanyakõ a. X Oyekpane aya kī yayaaye, edi awu, ebula fotsa kade. Yī kõ ñya ayekī bati aana nkpã kī ekpola ne osi nye osi akū.

XI “Yī nye baveli okpãne wī a, baveli okpãne wī a akɔa ye nkpã kakpa ne baveli a lolɔ. XII Nte opaani kī enyé baveli okpãne, ade enyé baveli a

olate lemε mó kalikii kaya ni, yalo kafone baveli a. Foesū kalikii a apili baveli a kapansam be. XIII Ɔpaani a alo kadzakū kitonekī kaboe bebōe ye kī ekēna adzuma a, ade etséla baveli a letsama akū a.

XIV-XV “Yī nyε baveli okpāne wī a. Nde ayekī Nda nyina yī, yī malo ĩnyina Nda a ni, ade aye ĩnyina yī mōawe baveli ade be malo binyina yī a. Nkōa yī nkpā nkpa ne be lolō. XVI Ndeī baveli bebā kī belāa baveli kōbā kīī kame. Kenε kī nkpā be malo ĩyamēna, bitse yī odo lokōa be flee baanya baveli katsu mōa, bēna ne baveli okpāne mōa kayō.

XVII “Nda awe yī kale, kitonekī nkōa yī nkpā nkpa, kī maabuki nte ye. XVIII Odima lelāate ye ne yī awe, mbom yī mōawe lekōa ye nkpa. Ndeī osi kī makōa ye nkpa, ade ndeī osi kī mabuki nte ye a. Ade letsa a kī Nda do yī kī kenε kī nkēna a.”

XIX Ne fōletsa kīī sū kasē buki kiwo ne Yudafō a kame. XX Be pii, bekale kī, “Hūhū kpa deī ne ye kame! Ye lolō kame bu kade! Nde sū koū miatse ye?”

XXI Lemε babebā le kī, “Oti kī hūhū kpa deī ne ye kame lelāapuli eε kōdzela lomō! Nde koū hūhū kpa aapuli ebinya banekunε anε?”

Yudafō a Sī Yesu.

XXII Osili lokō wo otō, ade Yudafō kanya Baguma Asoli Kōla Akū kakpale Luwi ne Yerusalem a. XXIII Yesu kamini ne Baguma Asoli Kōla a kakō a kī bave Salomo Ablanda a kame. XXIV Ade Yudafō a nakpota ne ye akū, ade bivia

ye kī, “Nde sū ɔfɔ bɔlamena ane kadã kavia? Nte nɔ nye Kristo a ni, bi boe ɔnɔkɔali a faa.”

XXV Yesu kpa be mbuaye kī, “Mbi mi kɔkɔe, leme miáte yī mido. Fɔtsa a kī makena ne Nda kɔbẽ akū a, adi yī akū adansie. XXVI Leme miáte kado kitonekī minyé yī baveli. XXVII Yī baveli atse yī ɔledo, ñnyina be ade batomɔ yī a. XXVIII Makpa be nkpã kī elá kawūna a, ade beláaku bewɔ da. Odima leláapuli ewãne be ete ne yī awe. XXIX Fɔtsa a kī Nda kɔa edo ne yī awe a deñ kɔbẽ fɔbẽ letsa nye letsa, ade odima leláapuli ewãne foe ete ne Nda awe a. XXX Bɔmó Nda ni, ɔmɔa bɔane.”

XXXI Foesū Yudafo a buki bifila boe kī batale Yesu. XXXII Ade Yesu bi be kī, “Nkena fɔtsa wī pii kī Nda do yī kī nkena ne mi ane. Foe kame fɔɔdabe sū miawe kī miatale yī boe?”

XXXIII Bekpa mbuaye kī, “Nné fɔtsa wī a kī ɔkena a sū bɔawe kī bɔatale nɔ boe, mbom ne mbusuo fɔlets a kī ɔle a sū! Otidziwa keke ane, leme awe kī akena nɔ akū Baguma!”

XXXIV Yesu kpa be mbuaye kī, “Betselɛ ne mi mbla ovoli a kame kī Baguma le kī, ‘Minye baguma ame.’ XXXV Bunyina kī lets a kī Katselɛ Kpalewa le a nye ɔnɔkɔali daa. Baguma ve bati a kī ekpa be ye ɔledo a kī baguma ame. XXXVI Yī kɔ, ɔlega a lepau yī edo yī ne katinya kame. Lokɔa nde sū miti miale kī nle fubusuotsa ne ayekī nle kī Baguma Obi manɛ a sū? XXXVII Foesū nte nlámɛna fɔtsa a kī Nda do yī kī nkena a kakena ni, mitate yī mido. XXXVIII Leme nte makena foe, tito kī miáte yī kado malo ni, mite fɔtsa a kī makena a mido, ayekī míanyi, minu foe kayɔ

yededeede kī Ǫlega a deĩ nε yĩ kame ade yĩ malo ndeĩ nε Ǫlega a kame a.”

XXXIX Yudafɔ a buki bεwe kī bapi Yesu, lemε ené nε be kame edzakū.

XL Ade Yesu muniki enyina Yordan Ǫwo a enaa awā kī Yohanes wɔla bati mui tǔ a, enadzi nε awā. XLI Bati pii ya nε ye sekē, ade bele kī, “Yohanes tákena awāwā fɔtsa fudima, lemε fɔlets a kī eλε nε oti kī akū a flee nye ɔnokɔali.”

XLII Bati pii nε awā tε ye bido.

XI

Lazaro Wuda.

I Onyole odi kī bave Lazaro kasɔ. Eto Betania, ɔmato a kī bawaētsole nviā Maria mɔ Marta dzi a kame. II Ade Maria kī lɛkɔa kugua mɔ ɔlē eko nε boe Ǫlate fɔneta, ekɔa ye lolɔ tolɔ eyɔ foe a. Ye ɔwaēnyole nye Lazaro kī yaso a. III Bawaētsole a do lotɔ nε Yesu sekē kī, “Boe Ǫlate, nɔ ɔkɔba a kī aátuno ye kale a aso.”

IV Kī Yesu nu fɔlets a kī a, eλε kī, “Fɔsɔ kī lenye wuda fɔsɔ, mbom fɔnye lets a kī baatsā foe akū bedela Baguma dī nε ode, ade baadela Baguma Obi a lemε dī nε ode a.” V Yesu awe Marta, mɔ ɔwaētsole mɔ Lazaro kale. VI Lemε kī Yesu nu Lazaro fɔsɔ a, ebuki ekahɔ nε awā kī edeĩ a fuwi nviā.

VII Ke liti a, ebi ye fɔtsa bakɔlene a kī, “Mifɔ bumuniki bɔnaa Yudea.”

VIII Ade ye fɔtsa bakɔlene a bi ye kī, “Fɔtsa ɔtsane, wádzo nε awī mɔ Yudafɔ a we kī batale nɔ boe, mɔ obuki anaa awā a?”

IX Yesu kpa be mbuaye kī, “Nné doũhuile ewua-nviā deĩ nε kade kanyina kame? Odi nye odi kī

etsẽ ne suwa ni, eláatula kitonekĩ katinya kame
 ohaĩ a afõ yamo foko. **X** Leme nte odi tsẽ ne lenye
 ni, yatula kitonekĩ ohaĩ leláa.”

XI Kĩ Yesu le foletsa kĩ eyua a, ebuki ele kĩ, “Boe
 okoba Lazaro wa tida, leme maanaadzela ye.”

XII Ye foetsa bakolene a kpa mbuaye kĩ, “Boe
 Olate, nte tida ewaa kõ ni, yaasaε.” **XIII** Letsa a
 kĩ Yesu atsa a nye kĩ Lazaro ku, leme ye foetsa
 bakolene a kõ kona kĩ tida pupulidza kawa εε.

XIV Foesũ Yesu binya ebi be pefee kĩ, “Lazaro
 ku. **XV** Leme ne mi sũ ni, kawole de yĩ kĩ ntána
 ne awã ayekĩ míate mido. Mifõ bõnaa ye sekẽ.”

XVI Ade Toma kĩ bave Ata a bi ye bakoba foetsa
 bakolene a kĩ, “Mifõ boe malo butomõ Foetsa
 Otsane a bõnaa, bõnaaku mo ye!”

Yesu Nyé Kayidza Kadzi Nkpã Mo Nkpã a.

XVII Kĩ Yesu wo awã a, emó kĩ fote fuwi ena kĩ
 bibila Lazaro. **XVIII** Kito Betania kenaa Yerusalem
 aana nde fusikũ nviã, **XIX** ade Yudafõ pii ya kĩ
 bayaadzam Maria mo Marta ne be owaěnyole
 wuda a sũ.

XX Kĩ Marta nu kĩ Yesu aya a, ené enaatselamõ
 ye, leme Maria kõ kaho ne toto kame. **XXI** Ade
 Marta bi Yesu kĩ, “Boe Olate, nte kana ona ne
 awĩ kufe nwaěnyole táku! **XXII** Leme ñnyina kĩ
 finyaa malo Baguma aakpa no letsa nye letsa kĩ
 ovia ye.”

XXIII Yesu kpa ye mbuaye kĩ, “Awaěnyole a
 aabuki eyidza edzi nkpã.”

XXIV Ade Marta bi ye kĩ, “Ñnyina kĩ yaabuki
 eyidza edzi nkpã ne Luwi Nkaε a kĩ banokpa
 aayidza a akũ.”

XXV Yesu bi ye kī, “Yī nye kayidza kadzi nkpā mō nkpā a. Odi nye odi kī ete yī edo, nte eku malo ni, yaayidza edzi nkpā. **XXVI** Odi nye odi kī edzi nkpā mō ete yī edo ni, eláaku da. Ɔte fukīi odo?”

XXVII Marta kpa ye mbuaye kī, “Oo, boe Ɔlate! Nte ndo kī nō nye Kristo a, Baguma Obi a kī bebe biyi kī yaaya ne katinya kame a.”

Yesu Be.

XXVIII Kī Marta le fukīi eyua a, emuniki enaa kola enave ɔwaɛtsole Maria petee. Ebi ye kī, “Fɔtsa Ɔtsane a ya ne awī, ade evia nō akū a.”

XXIX Kī Maria nu foe pe, eta eyidza ewula atse enaatselamō ye. **XXX** Ne loko a naa Yesu táwo tō ɔmato a kame, mbom ebuki edzē ne awā kī Marta yatselamō ye a. **XXXI** Kī bati a kī bidei ne toto kame bekadzam Maria a mō kī eta eyidza ene a, bitomō ye, kitonekī bekona kī yanaa linike a ɔwē enaabe.

XXXII Maria yawo awā kī Yesu dzē a, ade kī esila emó ye pe eto ne Yesu aboa kame ele kī, “Boe Ɔlate, nte ona ne awī kufe nwaēnyole a táku.”

XXXIII Kī Yesu mō ayekī ekabe, mō ayekī bati a kī bitomō ye kabe a, fokena adzuma ne ye kame ade eweya eke hūū a. **XXXIV** Evia be kī, “Ne ndia mibila ye?”

Bekpa ye mbuaye kī, “Boe Ɔlate, yaadā.”

XXXV Ne awā naa, Yesu be.

XXXVI Ade Yudafo a le kī, “Midā tō ayekī yawe ye kale!”

XXXVII Leme badi le kī, “Ebinya onekune ane. Kapuli eláapuli efō kī onyole kī etaku?”

Yesu Dzela Lazaro Etomena Kanokpa.

XXXVIII Kalɔe a buki kena ne Yesu kame ade enaa linike a ɔwẽ a. Linike a nye de ɔke kɔ bekoa de bisua de onukpẽ. XXXIX Yesu bi be kɔ, “Mibɔe de a ne leke a onukpẽ.”

Ade Marta, ɔnokpa a ɔwaẽtsole, bi Yesu kɔ, “Boe ɔlate, finyaa kɔ edo kakũ awe, kitonekɔ ade fuwi ena kɔ bibila ye a.”

XL Yesu bi Marta kɔ, “Mbɔee ntábi nɔ kɔ nte ɔte odo ni, aamo Baguma kukũkpale a?”

XLI Bati a bɔe de a benye. Yesu dela ane ne ode ele kɔ, “Nda, manye nɔ kole kɔ atse yɔ. XLII Ìnyina kɔ atse yɔ daa, leme bikɔ bedzẽ ne awɔ a sũ male fukɔ, ayekɔ baate bido kɔ nɔ lido yɔ.”

XLIII Kɔ ele fukɔ eyua a, eboa fowola kɔɔba kɔ, “Lazaro, né kaya!” XLIV Ade ɔnokpa a né eya a. Lima a kɔ bekoa bisuli ye akpɔ mo abɔa a buki lena ne ye akũ, ade duku a kɔ bekoa bisuli ye ane a leme na ne ye akũ a.

Yesu bi be kɔ, “Miwũnya tilima a ne ye akũ mifɔ enaa.”

Yudafɔ a Nasui Kɔ Baako Yesu.

XLV Yudafɔ a kɔ beya ne Maria sekẽ mó letsa a kɔ Yesu kena a, ade be pii te ye bido a. XLVI Leme be kame badi muniki benaa Farisifo a sekẽ benabi be letsa a kɔ Yesu kena a. XLVII Foesũ Farisifo a mo basofonokɔẽ a natsa folo mo Yudafɔ omaĩ banokɔẽ a ade bele kɔ, “Litsa bóakena? Kitonekɔ oti kɔ lamena awáwá fɔtsa pii kakena! XLVIII Nte bokpa ye osi lomo ni, odi nye odi aayate ye edo, ade Roma abãã ayabubuli boe Asoli Kɔla a, ewola boe omaĩ leme.”

XLIX Be kame ɔmɔa kī bave Kaiafa, kī enye Ɔsɔfɔnɔkɔẽ Flee ne kateli a na kame a bi be kī, “Minyína letsama kɔlaa! L Minyína kī fɔneɛ fɔkpa mi kī ɔti mɔa aaku ne bati a flee lolɔ keba kī baawɔla ɔmaĩ a flee a?”

LI Nné ye mɔawe kakɔna ekɔa ele fukĩ, mbom nde Ɔsɔfɔnɔkɔẽ Flee ne kateli a kame ni, ele eyi kī Yesu aaku ne Yudafo a lolɔ. LII Nné Yudafo a odi yaku ekpa, mbom kī yaakpɔta Baguma bade a kī begba biko ne katinya kame a bekɛna ɔmɔa.

LIII Kito luwi a kanaa a, Yudafo banɔkɔẽ kapi adzuni kī baako Yesu. LIV Ne foesũ Yesu tábuki ekane kanya Yudafo a lemɔ ye. Edzakũ enaa ɔmato odi kī bave Efrayim kame ne kɔsa kudi kame, ade awã bemɔ ye fɔtsa bakolene a bidzi ne awã a.

LV Finyaa Yudafo Wuda Katẽ luwi kanya a fuã, ade bati pii to ɔmaĩ a fɔko kumekume beya ne Yerusalem, kī bayaakpale be akũ fɔmɔ luwi a aawo ɔto. LVI Kī bɛna ne Asɔli Kɔla kame a, bekawe Yesu, ade bekavia akũ kī, “Nde akɔna? Mbɔee eláaya ne luwi a kanyakõ?” LVII Ne lɔko a na kame a, basɔfɔnɔkɔẽ mɔ Farisifo a si mbla kī odi nye odi kī enyina awã kī Yesu deĩ ni, kene kī eyaakpa kanyi lɔkoa bɛnaapi ye.

XII

Maria Tsela Yesu Kugua Mɔ Ɔlẽ Ne Betania.

I Kī kite fuwi evũ kī banya Wuda Katẽ Luwi a, Yesu naa Betania, Lazaro ɔto, awã kī edzela ye etomena kanɔkpa a. II Beto olobe funitsã bekpa ye ne awã. Marta sum ne opunu akũ, ade Lazaro lemɛ na ne bati a kī bidzi bekanya mɔ Yesu a

kame a. ^{III} Ade Maria bɔɛ kugua mɔ ɔlɛ baũ, kĩ bave koe nard, kĩ kudeĩ kɔya paa lita seke eyatsela Yesu foneta, ade ekɔa ye lolɔ tolɔ eyɔ foe akũ a. Kugua a ɔlɛ te tɔtɔ a flee kame.

^{IV} Ye fɔtsa bakɔlene a kame ɔmɔa, Yuda Iskar-iot, kĩ ye aanye Yesu ekpa a le kĩ, ^V “Nde sũ betáno kugua kĩ sika ovoe oha elale lokɔa bekɔa se bekpa ahiãfɔ?” ^{VI} Nné kĩ etsela ahiãfɔ akũ sũ ele fukĩ, mbom oyekpane yane. Ye nee sika kuvũ a ade yado awe ne koe kame a.

^{VII} Ade Yesu le kĩ, “Mifone ye awe! Mifɔ emane koe eyi ekpa yĩ kabila. ^{VIII} Ahiãfɔ deĩ ne mi kame luwi nye luwi, leme yĩ kɔ nláana ne mi kame daa.”

Yudafɔ a Sui Ne Lazaro Akũ.

^{IX} Yudafɔ pii nu kĩ Yesu deĩ ne Betania, foesũ beya ne awã. Nné Yesu odi sũ beya, mbom kĩ bayaadã Lazaro a kĩ Yesu dzela etomena kanokpa a. ^X Ne foesũ basofonokɔẽ a pi adzuni kĩ baako Lazaro leme, ^{XI} kitonekĩ ye sũ Yudafɔ a pii kasĩ be kanaate Yesu kado.

Yesu Wo Ne Yerusalem ɔmatɔ a Kame Mɔ Osee Katu.

^{XII} Kĩ kade nyina a, bati kodabu a kĩ beya ne Wuda Katẽ Luwi kanyakɔ a nu kĩ Yesu aya ne Yerusalem. ^{XIII} Foesũ bebɔe tuko bene kĩ banaatselamɔ ye, ade bekabɔa fowɔla kĩ, “Mimu Baguma!

Baguma hila oti a kĩ yaya ne boe ɔlate dĩ akũ a! Baguma hila Israel Legã a!”

^{XIV} Yesu mó aflimu adi, ade ede edzi ne ye akũ nde ayekĩ Katsɛle Kpalɛwa a le kĩ,

XV “Zion ɔmato, tavila!
 Amo no Legã kī laya!
 Edzi ne aflimu obi akū.”

XVI Ye fotsa bakolene a tánu fukĩ kayo ne loko a na kame, leme kī Baguma dzela Yesu ekpale ye akū a, beyate ane kī Katsela Kpalewa a le letsa a kī bekena bekpā ye a ne ye akū.

XVII Bati a kī bena ne Yesu sekẽ, ne loko a kī ene Lazaro etomena linike kame edzi nkpã a, di adansie ne letsa a kī leya a akū. XVIII Ade fukĩ sū bati kodabu a natselemo Yesu a, kitonekĩ binu kī ekena awãwã fotsa kī. XIX Foesũ Farisifo a bi akū kī, “Midã kī bolãmo kadzakõ kana kolaa. Midã, katinya kame bati a flee né bitomo ye!”

Helafõ Badi We Kĩ Bamõ Yesu.

XX Helafõ badi na ne bati a kī benaa Yerusalem kī baasum Baguma ne luwi a kanya kame a kame. XXI Ade benaa Filipino, kī eto Betsaida a ne Galilea sekẽ, ade bibi ye kī, “Onokõẽ, boawe kī boamo Yesu.” XXII Filipino nabi Andrea, ade be nviã a benabi Yesu a.

XXIII Ade Yesu bi be kī, “Finyaa kõ loko a wo ɔto kī baadela Otidziwa Obi a ne ode. XXIV Mabi mi ne onokõali kame kī nte ligbanobi táwo ne tite kame levõ ni, libi moape keĩ a lane, leme nte levõ ni, lado babi beblebee. XXV Odi nye odi kī yawe ye nkpã kale ni, yaayela ye, leme odi nye odi kī ekesĩ ye nkpã ne katinya kī kame ni, ekola ye ekpa nkpã kī ela kawũna a. XXVI Odi nye odi kī yawe kī yasum yĩ ni, kene kī etomo yĩ, kitonekĩ awã kī ndeĩ a, ade awã yĩ ɔsumune leme ana a. Ade Nda aado obu ne odi nye odi kī yasum yĩ akū.

Yesu Le Kɔdzela Ne Ye Wuda Akū.

XXVII “Yī ɔwɔle aha yī finyaa. Lemε litsa maale? Kale maale kī, ‘Nda, nye yī katomena lubo kamɔ lɔkɔ kīi kame mbɔεε’? Oowo, ade foesū ñya ne katinya kame a, ayekī maatsā lubo kamɔ lɔkɔ kīi kame. XXVIII Nda, do nɔ dī akū obu.”

Adeke odo odi to ode εle kī, “Ndo de obu kɔkɔε, ade maabuki ndo de a.”

XXIX Bati kɔdabu a kī bɛdzɛ ne awā nu odo a, ade be kame badi le kī, ɔplala lenye onukpɛ, lemε badi le kī, “Ode fɔtɔ onyane odi lele kɔdzela mɔ ye!”

XXX Lemε Yesu bi be kī, “Nné yī sū odo a lé kɔdzela, mbom mi sū.

XXXI “Finyaa nye lɔkɔ a kī Baguma aadzemɔ katinya kame. Finyaa mɔ baablomena katinya kīi kame akū onyane a. XXXII Nte bɛdɛla yī ne ode ne asendua akū ni, maavele bati flee ñyamenā ne yī sekɛ.” XXXIII Yesu le fukī yakɔa etsa wuda odu a kī yaaku.

XXXIV Adeke bati kɔdabu a kpa ye mbuaye kī, “Boe Mbla Ovoli a atsa boe kī Kristo a aadzi nkpā daa. Nde fɔya mɔ ale kī baadɛla Otidziwa Obi a ne ode ne asendua akū? Owei nye Otidziwa Obi kīi a?”

XXXV Yesu kpa be mbuaye kī, “ɔhañ a aabuki ena ne mi sekɛ lɔkɔ lukū lidi pε. Lɔkɔ kī ɔhañ a deñ ne mi kame ni, mitsā ne ye kame ayekī ɔtū leláake edo mi, kitonekī oti kī etsɛ ne ɔtū kame linyína awā kī yanaa. XXXVI Kī ɔhañ a deñ ne mi sekɛ kīi ni, mite ɔhañ mido ayekī míakena ɔhañ a kame bati.”

Bati a Katate Kado.

Kĩ Yesu le foletsa kĩ eyua a, edzakũ ne be sekẽ enabela.

XXXVII Titõ kĩ Yesu kena awãwã fotsa kĩ flee ne be ane kame malo ni, betáte ye bido.

XXXVIII Ayekĩ letsa a kĩ Baguma Onukpẽ Onyene Yesaya le eyi a, aaya ne foe kame kĩ,
 “Boe Olate, owei letete nõ foletsa a kĩ bõle a edo?
 Owei enye ye kobẽ etsa?”

XXXIX Ne foesũ betápuli bete bido, kitonekĩ Yesaya buki ele kĩ,

XL “Baguma kõ be ane ade esua be adzuni ayekĩ be ane leláamõ fõkõ,
 ade be adzuni leláanu foletsa kayõ a.

Baguma le kĩ, ‘Beláamuniki beya ne yĩ sekẽ lokõa ntsa be.’ ”

XLI Yesaya le foletsa kĩ kitonekĩ emó Yesu kukũkpale a, ade ele kale ne foe akũ eyi a.

XLII Titõ kĩ fõla lomõ malo a, Yudafo banõkõẽ a pii te Yesu bido, leme ne Farisifo a sũ betále foe akũ kodzela ne kanade, ayekĩ beláablomena be ne be katsenakõ a. **XLIII** Kitonekĩ bawe kĩ batidziwa bimu be keba kĩ Baguma aamu be.

Yesu Foletsa a Aako Bati Kõtõ.

XLIV Ade Yesu bõa fowõla ele kĩ, “Odi nye odi kĩ ete yĩ edo ni, nné yĩ odi ete edo, mbom mõ oti a kĩ edo yĩ a ete edo. **XLV** Odi nye odi kĩ yamõ yĩ ni, yamõ oti a kĩ edo yĩ a leme. **XLVI** Ìya ne katinya kame nde ohaĩ aye, ayekĩ odi nye odi kĩ ete yĩ edo ni, eláana ne otũ kame.

XLVII “Nte odi nu yĩ foletsa a mó etákena ne foe akũ ni, nláadzemõ ye. Ntáya kĩ mayaadzemõ katinya kame bati, mbom ìya kĩ mayaanye be.

XLVIII Oti a kĩ esĩ yĩ, kĩ etáte yĩ foletsa a deĩ oti kĩ

yaadzemo ye. Foletsa a kī nle a aadzemo ye ne luwi nkae a akū! ^{XLIX} Fukī nyē ɔnokɔali, kitonekī ntále kɔdzela ne yī mɔawe otumi akū, mbom Nda a kī edo yī a lekpa yī otumi kī nle kɔdzela, nle foletsa a kī nle a. ^L Ade ñnyina kī ye mbla a akpa nkpā kī elá kawūna a. Ne foesū foletsa a kī male a nyē foletsa kī Nda bi yī kī nle.”

XIII

Yesu Vɔle Ye Fɔtsa Bakɔlene a Abɔa.

^I Luwi a kī lenyaa Wuda Katē Luwi lotɔ a, Yesu nyi kī loko kpola ye kī yaadzakū ne katinya kī kame enaa ɔlega sekē. Ewe bikī benye ye bade ne katinya kame a kale, ade ewe be kale kenawo kawūnakō a.

^{II} Yesu mɔ ye fɔtsa bakɔlene a dzi ne opunu akū bekanya olobe funitsā. Abonsam kɔa edo ne Yuda kī enye Simon Iskariot obi a adzuni kame kɔkɔe kī enye Yesu ekpa. ^{III} Yesu nyina kī ɔlega kpa ye kobē flee. Enyina kī Baguma sekē eto eya, ade Baguma sekē yaabuki enaa a. ^{IV} Foesū eyidza ne opunu a akū, enye ye atadiē wulaa eyi ne ɔwē, ade ekɔa ɔsa efili ne kate a. ^V Ke liti a, eko mui ne looda kame, eyi ye fɔtsa bakɔlene a abɔa kavole kayɔ, ade ekɔa ɔsa a kī efili ne kate a eyɔ mui a. ^{VI} Kī ewo Petro sekē a, Petro bi ye kī, “Boe ɔlate, ayaavole yī abɔa?”

^{VII} Yesu kpa ye mbuaye kī, “Finyaa oláanu letsa a kī makena a kayɔ, lemē ke liti aanu foe kayɔ.”

^{VIII} Petro bi ye kī, “Owoo, oláavole yī abɔa da.”

Ade Yesu bi ye kī, “Nte ntávole nɔ abɔa ni, ke kō oláabuki onya yī fɔtsa okɔlene.”

IX Petro kpa ye mbuaye kī, “Boe ɔlate, nte aye kō ni, tavole yī aboa odi, mbom vole yī awe mo lololeme!”

X Yesu bi ye kī, “Oti kī ewo mui ené yededeede tabuki esī ekpa mui kawo, keba aboa odi kavole. Mi kō mi flee akū né, mbɔente oti moape.” **XI** Yesu nyina oti a kī yaanye ye ekpa a kɔkɔe, ade foesū ele kī, “Mi a flee akū né, mbɔente oti moape a.”

XII Kī Yesu vole ye fɔtsa bakolene a aboa eyua a, ebɔe ye atadie wulaa a edo, emuniki enadzi ne ye kadzikō ne opunu akū. Evia ye fɔtsa bakolene a kī, “Minu letsa a kī nkena nkpa mi a finyaa kayo mbɔee? **XIII** Miave yī kī Fɔtsa ɔtsane mo ɔlate. Ade aye fola pɛpɛpɛ a, kitonekī ade letsa a kī mane a. **XIV** Yī a kī ñnye mi ɔlate mo Fɔtsa ɔtsane a, levole mi aboa finyaa, foesū kene kī miavole akū akū aboa. **XV** Nfantuhū fɔane nkpa mi kī mi malo mikena letsa moape a kī nkena nkpa mi a. **XVI** Mabi mi ne ɔnokɔali kame kī ɔsumune lebé ye ɔlate, ade ayea foto ɔnyane lebé oti a kī edo ye foto a. **XVII** Finyaa, kī minyi ɔnokɔali kī a, Baguma aahila mi nte mikena ne ke akū.

XVIII “Nné mi flee male, ñnyina bati a kī mpau a. Leme kene kī Baguma folets a kī betsele biyi a fɔya ne foe kame kī, ‘Oti a kī bomo ye budo awe boanya a yidza edza ne yī akū.’

XIX “Mabi mi fukī ñyi finyaa, fomo fɔaya ne foe kame lokɔa miate mido kī yī nye oti a kī ye mane a. **XX** Mabi mi ne ɔnokɔali kame kī odi nye odi kī ete oti odi kī ndo foto ni, yī ete. Ade odi nye odi kī ete yī ni, ete oti a kī edo yī a.”

Yesu Le Eyi Kī Odi Aanye Ye Ekpa.

XXI Kĩ Yesu le foletsa kĩ eyua a, foha ye owole paa ade ele yededeede kĩ, “Mabi mi ne onokoali kame kĩ mi kame odi aanye yĩ ekpa.”

XXII Awā naa, ye fotsa bakolene a dā akū ane, ade bekena saa kitonekĩ binyina be kame oti a kĩ Yesu ale a. XXIII Fotsa bakolene a kame omoa kĩ Yesu awe kale a dzi emenamō Yesu. XXIV Adeke Simon Petro baa ye sene kĩ, “Via ye owula a kĩ yale a.”

XXV Foesū fotsa okolene a fuā Yesu tsemetseme evia ye kĩ, “Boe Olate, owei yane?”

XXVI Yesu kpa mbuaye kĩ, “Oti a kĩ maabuli abodoo ntamō kutu nkpa a ni, ade ye a.” Ade ebuli abodoo sekē, eta kutu ekōa ekpa Yuda kĩ enye Simon Iskariot obi a. XXVII Kĩ Yuda sila ete funitsā a pe, Satana wo ne ye kame.

Ade Yesu bi ye kĩ, “We sowa ne letsa a kĩ awe kĩ akena a akū.” XXVIII Lemē be a kĩ bidzi ne opunu akū mō ye a kame odima tánu letsa a sū kĩ Yesu bi ye tuwuli kayo. XXIX Ayekĩ Yuda nee be sika kuvū sū ni, fotsa bakolene a badi kōna kĩ kabi Yesu bi ye kĩ enaaya fotsa a kĩ baakōa benya luwi a, iye kĩ enaakōa litsedi ete ahiāfo.

XXX Kĩ Yuda te funitsā a, deedimōape ené edzakū. Kade dō paa.

Yesu Kpa Mbla Vōē.

XXXI Kĩ Yuda ne edzakū a, Yesu le kĩ, “Finyaa bedela Otidziwa Obi a dī ne ode, ade finyaa bedela Baguma dī lemē ne ode betsāmēna ye akū a. XXXII Nte bedela Baguma dī ne ode betsāmēna Otidziwa Obi a akū ni, lōkōa Baguma aadela Otidziwa Obi a dī ne ode ne ye mōawe kame letaleta.

XXXIII “Yī babi, nláabuki nna ne mi sekē owi libuna pii. Míawε yī, leme finyaa mabi mi foletsa a kī mbi Yudafo banokōē a kī, ‘Miláapuli minaa awā kī manaa a.’

XXXIV “Finyaa makpa mi mbla vōē. Miwε mi akū kale. Ayekī nwε mi kale a ni, mi malo miwε mi akū kale lomō. XXXV Nte miawε mi akū kale ni, odi nyε odi aamō eyi osū kī yī fotsa bakolene mianε.”

Yesu Lε Eyi Kī Petro Aasī Kī Enyína Ye.

XXXVI Ade Simon Petro via kī, “Boe ɔlate, ne ndia akpa?”

Yesu kpa ye mbuayε kī, “Awā kī manaa, oláapuli otomō yī finyaa bonaa, leme ke liti ni, aatomō yī liti.”

XXXVII Petro via ye kī, “Nde sū nláapuli ntomō nō finyaa? Mmanε akū kī maaku ne nō loló!”

XXXVIII Yesu kpa ye mbuayε kī, “Kale ale kī ɔmanε akū kī aaku ne yī loló? Mabi nō ɔnokoli a kī fomō okokō aabe ni, aale titi elale kī onyína yī.”

XIV

Yesu Nyé Osi a Kī Enaa ɔlega a Sekē.

^I Yesu bi be kī, “Mitafō foletsa kīi leha mi. Mite Baguma mido, mite yī malo mido. ^{II} Fola beblebee deī ne Nda tɔtɔ kamε. Manaamanε kako kadi īyi mi. Nte folá lomō ni, kufe nláabi mi kī manaamanε kadzikō īyi mi. ^{III} Ade nte nnaa nnamanε kadzikō īyi mi īyua ni, maamuniki īyaakpā mi nnamena yī sekē, ayekī awā kī ndeī a mi malo míana ne awā. ^{IV} Minyina osi a kī ewaa enaa awā kī manaa a.”

^V Ade Toma bi Yesu kī, “Boe ɔlate, bunyína awā kī anaa, foesū nde bóakena bómó osi a kī yanaa awā a?”

^{VI} Yesu kpa ye mbuaye kī, “Yī nye osi a, ɔnokɔali a mɔ nkpā a. Odima láya ne Nda sekē mbɔente etsā yī akū. ^{VII} Nte kanyina minyina yī ni, kufe minyina Nda lemε. Lemε kito finyaa kanaa ni, minyina ye ade mimó ye lemε a.”

^{VIII} Ade Filipino bi Yesu kī, “Boe ɔlate, tsa boe ɔlega a, ade letsa a kī liti lisī boe a.”

^{IX} Yesu bi ye kī, “Filipo, owi buna kī ndeī ne mi flee sekē, lemε onyína yī? Odi nye odi kī emó yī ni, emó Nda lemε. Nde sū obuki avia kī, ‘Tsa boe ɔlega a’? ^X Filipo, mbɔee ɔtáte odo kī ndeī ne Nda kame ade kī ye malo edeī ne yī kame? Fɔletsa a kī mbi mi a flee táto yī sekē, mbom Nda a kī edeī ne yī kame a lamena ye adzuma kakena. ^{XI} Mite yī mido nte nle kī ndeī ne Nda kame, ade Nda lemε deī ne yī kame a. Nte mitáte fɔletsa kī mido ni, ke kō mite mido ne adzuma a kī makena a sū. ^{XII} Mabi mi ne ɔnokɔali kame kī odi nye odi kī ete yī edo ni, yaakena letsa a kī makena a. Nuwī yaapuli ekena fɔtsa eba yī fude a, kitonekī manaa Nda sekē. ^{XIII} Letsa nye letsa kī míavia ne yī dī akū ni, maakena foe nkpa mi ayekī baatsā Obi a akū bedela Nda dī ne ode. ^{XIV} Nte mivia litsedi ne yī dī akū ni, maakena foe.”

Yesu Le Hūhū Kpalawa a Kayamena Eyi.

^{XV} Yesu buki ele kī, “Nte miawe yī kale ni, míakena ne yī tebala a akū. ^{XVI} Maake Nda aduli ekpa mi Obumenane bebā kī yaana ne mi sekē daa. ^{XVII} Ade ye nye Hūhū a kī yanye ɔnokɔali

kale ne Baguma akū a katsa a. Katinya kame bati kō leláapuli bete ye, kitonekī beláapuli bemó ye mo baanyi ye. Leme mi kō minyina ye kitonekī yaana ne mi sekē ade edeī ne mi kame a.

XXIII “Nláafone mi awe iyi nde banokpabi aye. Maamuniki iya ne mi sekē. XIX Kite sukuloo katinya kame bati leláabuki bemó yī, leme mi kō míamo yī. Ayekī ndzi nkpā sū ni, mi malo míadzi nkpā. XX Nte luwi a wo oto ni, míanyi kī ndeī ne Nda kame ade mi mideī ne yī kame ade yī malo ndeī ne mi kame a.

XXI “Oti a kī epini yī tebla, yakena ne te akū ni, ade ye nye oti a kī yawe yī kale a. Oti a kī yawe yī kale ni, Nda aawe ye kale. Yī malo maawe ye kale ade maanye yī akū ntsa ye a.”

XXII Ade Yuda, nné ekī enye Iskariot a, via kī, “Boe Olate, nde sū aanye no akū otsa boe, mo nné katinya kame bati a?”

XXIII Yesu kpa ye mbuaye kī, “Odi nye odi kī yawe yī kale ni, yaapi yī foletsa edomo akū. Nda aawe ye kale ade bomo Nda bóaya ne ye sekē bokena kadzikō ne ye sekē. XXIV Odi nye odi kī yaáwe yī kale ni, yaapi yī foletsa kadomo akū. Foletsa a kī minu a lenyé yī moawe fude, mbom futo Olega a kī edo yī a fude foane.

XXV “Mbi mi foletsa kī ne loko a kī mbuki ndeī ne mi sekē. XXVI Leme Obumenane a kī enye Hūhū Kpalawa kī Baguma aado ne yī dī akū a, aatsa mi letsa nye letsa, ade yaate mi ane ne letsa nye letsa kī mbi mi a akū a.

XXVII “Lukudo nkwa mayi mi. Yī lukudo nkwa makpa mi, nné nde ayekī katinya kame bati akpa

a aye. Mitafõ mi ɔwɔle leha mi ñye mifõ libe liwo mi. **XXVIII** Minu ayekĩ mbi mi kĩ, ‘Madzakũ, leme maamuniki ñya ne mi sekẽ.’ Nte miwe yĩ kale ni, kufe kawɔle de mi kĩ manaa ɔlega a sekẽ, kitonekĩ ye ebẽ yĩ. **XXIX** Finyaa mbi mi fukĩ ñnyamena loto fɔmɔ letsa nye letsa aaya ne foe kame, ayekĩ nte fɔya ne foe kame ni, miáte mido. **XXX** Nlábuki nle mɔ mi kɔdzela nnamena loto, kitonekĩ katinya kame akũ ɔnyane a aya, ade elá kɔbẽ ne yĩ akũ a. **XXXI** Leme kene kĩ katinya kame bati binyi kĩ mawe ɔlega a kale, ade makena ne ye ɔledo akũ pɛpɛpɛ a.

“Finyaa, miyidza bɔdzakũ ne awĩ.

XV

Yesu Nye Kutse Wĩ a.

I “Yĩ nye kutse wĩ a, ade Nda nye futse kɔba ɔnene a. **II** ɔnane odi nye odi kĩ edeĩ ne yĩ akũ kĩ yaawũ babi ni, yatsua ye kamuni, ade ɔnane odi nye odi kĩ yawũ babi ni, yanye ye akũ tɔta, ayekĩ yaawũ babi pii. **III** Finyaa yĩ fɔletsa a kĩ mbi mi a kpale mi akũ kɔkɔɛ. **IV** Mikena ɔmɔa mɔ yĩ, yĩ malo nkena ɔmɔa mɔ mi. Nde ayekĩ kutse ɔnane leláapuli kuwũ ne koe akũ, mbɔente kɔmanɛ ne kutse ɔma akũ a, ade aye mi malo miláapuli miwũ babi nte mitákena ɔmɔa mɔ yĩ a.

V “Yĩ nye kutse a, ade mi minye tenane a. Oti a kĩ ekena ɔmɔa mɔ yĩ, mɔ yĩ malo nkena ɔmɔa mɔ ye ni, ade ye aawũ babi pii, kitonekĩ nte nláa mi kame ni, miláapuli mikena letsama. **VI** Oti a kĩ eláa yĩ kame ni, ela nde ɔnane kĩ bitsua beta

bimuni ade yawole a. Bakpota tenane a kafla kado ne fi kame tavio. ^{VII} Nte mikena omoa mo yi, mo yi foletsa a deĩ ne mi kame ni, miavia letsa a ki miawe ade baakena foe bekpa mi a. ^{VIII} Nte miwũ babi beblebee ni, foe fonye Nda kukũkpale fotsa, ade fusipi ki yi fotsa bakolene miane. ^{IX} Ayekĩ Nda awe yi kale a ni, ade aye yi malo mawe mi kale a. Foesũ mifõ yi odo a ena nkosu ne mi kame lomo. ^X Nte mipi yi tebla a midomo akũ ni, miana ne yi odo a kame nde ayekĩ yi malo mpi Nda mbla ndomo akũ fofõ ye odo deĩ ne yi kame a.

^{XI} “Mbi mi foletsa ki ayekĩ kawole a ki kideĩ ne yi kame a odu kema ne mi kame, lokoa mi kawole a kekpolo. ^{XII} Ade yi mbla ki makpa mi nye ki, miwe mi akũ akũ kale nde ayekĩ nwe mi kale a. ^{XIII} Odo titiliwu adima lelãa ki oti akoa ye nkpa eboa afolie ne bakoba lolo. ^{XIV} Nte mikena ne yi mbla a ki nkpa mi a akũ a ni, lokoa minye yi bakoba. ^{XV} Nlãabuki nve mi ki basumune, kitoneki osumune linyina letsa a ki ye olate akema. Lemẽ mave mi ki bakoba kitoneki letsa nye letsa a ki nnu ntomena Nda sekẽ ni, nfõ minyi foe. ^{XVI} Nnẽ mi lepau yi, mbom yi lepau mi ndzina mi ki minaawũ babi beblebee ki baawa daa. Ne foesũ letsa nye letsa ki miavia Olega a ne yi di akũ ni, yaakpa mi foe. ^{XVII} Foesũ ade mbla ki makpa mi ki miwe mi akũ kale.”

Katinya Kame Likesĩ.

^{XVIII} Yesu buki ele ki, “Nte katinya kame bati akesĩ mi ni, minyi ki benya loto bikesĩ yi. ^{XIX} Nte katinya kame bade miane ni, kufe baawe mi kale

nde be bade aye. Leme kī mpau mi ntomena katinya bati kame ade mibuki minyé be bade a sū ni, katinya kame bati akesī mi. ^{XX} Mite ane ne kale a kī mbi mi akū a kī, ‘Ōsumune lebé ye olate.’ Nte bati yidza bedza ne yī akū ni, baayidza bedza ne mi malo akū. Nte bipi yī foletsa bidomo akū ni, baapi mi fude leme bidomo akū. ^{XXI} Leme baakena fukī flee ne mi akū ne yī dī sū, kitonekī binyína oti a kī edo yī a. ^{XXII} Nte ntayaabi be foletsa ni, kufe betáku tokpa koto. Leme finyaa bekena tokpa ade belá onukpě kanye kadima a. ^{XXIII} Odi nye odi kī yakesī yī ni, yakesī Nda leme. ^{XXIV} Nte ntakena fotsa kī odima tákena tō ne be kame ni, kufe betákena tokpa, leme kī finyaa bemó fotsa a kī nkēna a malo ni, bakesī bomo Nda. ^{XXV} Leme fukī flee ya ne foe kame ayekī foletsa a kī betsele ne be mbla ovoli kame a, foya ne foe kame kī, ‘Bikesī yī pupulidza.’

^{XXVI} “Maado Obumenane eto Olega a sekě eya ne mi sekě. Ade ye nye Hūhū a kī yaanye onokoli a ne Baguma akū etsa a. Nte eto Olega a sekě eya ni, yaadi adansie ne yī akū. ^{XXVII} Mi malo míadi adansie, kitonekī mina ne yī sekě kito kayokayi a.

XVI

^I “Mbi mi foletsa kī flee ayekī bati leláfō akpo liveli mi ne mi katékado kame. ^{II} Baablomena mi ne Yudafō fotsenakō. Loko aya kī nte oti odi ko mi ni, yaakona kī Baguma adzuma ekēna. ^{III} Bati aakena fukī ne mi akū kitonekī betányi Olega a iye yī. ^{IV} Leme mabi mi fukī ayekī nte loko a wo oto ni, míate ane kī mbi mi foe.

Hũhũ Kpalewa a Adzuma.

“Ntábi mi foletsa kĩi ne kayokayi a, kitonekĩ nna ne mi sekẽ. ^V Leme finyaa kĩ madzakũ nnaa oti a kĩ edo yĩ a sekẽ a, mi kame odima távia yĩ awã kĩ manaa a. ^{VI} Finyaa, kĩ mbi mi foletsa kĩi a, mi flee miwo oblo. ^{VII} Leme mabi mi onokwali a kĩ fonene fokpa mi kĩ ndzakũ, kitonekĩ nte ntánaa ni, Obumenane a leláaya ne mi sekẽ. Leme nte ndzakũ nnaa ni, maado ye eya ne mi sekẽ. ^{VIII} Ade nte eya ni, yaako katinya kame bati koto efõ binyi letsa a kĩ lenye tokpa, mo kadzi kpĩ, mo Baguma kotokako. ^{IX} Yaako be koto ne tokpa sũ, kitonekĩ betáte yĩ bido. ^X Yaako be koto bekwa binyi kadzi kpĩ kame, kitonekĩ manaa Nda sekẽ, kĩ miláabuki mimó yĩ, ^{XI} ade baanyi letsa a kĩ lenye kotokaku, kitonekĩ beko katinya kĩi kame akũ onyane a koto kokoe.

^{XII} “Ndeĩ foletsa pii kĩ maabi mi, leme fóaba mi kalo finyaa. ^{XIII} Leme nte Hũhũ a kĩ yanye onokwali ne Baguma akũ katsa a ya ni, yaafõ minyi Baguma akũ onokwali a flee a. Eláale kodzela ne ye moawe otumi akũ, mbom letsa a kĩ enu a odi mo yaale, ade yaafõ minyi fotsa a kĩ fóayaya a. ^{XIV} Yaado yĩ obu enye yĩ kukũkpale etsa, kitonekĩ yaabi mi letsa a kĩ ete etomena yĩ sekẽ a. ^{XV} Fotsa a kĩ fonye Nda fude a flee, yĩ fude fpane. Ade foesũ nle kĩ Hũhũ a aanu etomena yĩ sekẽ eyaabi mi a.”

Fotsa Bakolene Oblo Kawo Mo Kawole Kamw.

^{XVI} Yesu le enamena loto kĩ, “Kite sukuloo kĩ miláabuki mimó yĩ, leme owi leláabuna kĩ míabuki mimó yĩ.”

XVII Adeke ye fotsa bakolene a badi via akũ kī, “Foe kayo nye litsa kī yabi boe kī, ‘Kite sukuloo miláabuki mimó yī, leme owi leláabuna kī miábuki mimó yī.’ Ebuki ele kī, ‘Kitonekī manaa Nda sekẽ.’ **XVIII** Foletsa a kī ele kī, ‘Kite sukuloo’ a kayo nye litsa? Boánu letsa a kī yale a kayo!”

XIX Yesu mó kī ye fotsa bakolene a we kī bavia ye kale kadi, foesū ebi be kī, “Nle kī kite sukuloo miláabuki mimó yī, leme owi leláabuna kī miábuki mimó yī. Mbɔee foletsa kī kame milamena kasa mo akũ a? **XX** Mabi mi onokwali a kī miabe miwo oblo, leme katinya kame bati aamo kawole. Míadi ayoloho leme mi ayoloho a aadani kawolekamɔ. **XXI** Nte seme pi otsole ni, yawo oblo kitonekī ye lubo kamɔ odɔũ a bɔa. Leme nte ema eyua a, yalela ye lubo kamɔ a, kitonekī yamo kawole kī ema obi edo ne katinya kame. **XXII** Ade aye fola fokpa mi a. Finyaa miwo oblo, leme maabuki mmó mi, lokoa mi towole leka tidzi mi mo kawole paa a kī odima lelápuli ete ne mi awe a.

XXIII “Nte luwi a wo oto ni, miláabuki mivia yī letsama. Onokwali a mabi mi kī, Nda aakpa mi letsa nye letsa kī míavia ye ne yī dī akũ. **XXIV** Kito keyawo finyaa kī a, mitávia tō letsama ne yī dī akũ. Mivia, lokoa míate, ayekī mi kawolekamɔ aakpola.

Yesu Nya Katinya Kame Akũ.

XXV “Mabi mi foletsa kī ne fogbã kame. Leme loko aaya kī nláabuki mbi mi foletsa ne fogbã kame, mbom maabi mi Nda akũ foletsa pefee.

XXVI Nte luwi a wo ɔto ni, mivia ye fotsa ne yĩ dĩ akũ. Maátsa kĩ yĩ maavia ye nkpa mi, **XXVII** kitonekĩ Nda mɔawe a awe mi kale. Yawe mi kale kitonekĩ miawe yĩ kale ade mite mido kĩ Baguma sekẽ nto ãya. **XXVIII** Nuwĩ, ɔlega a sekẽ nto ãya ne katinya kame, ade finyaa madzakũ ne katinya kame nnaa Nda sekẽ a.”

XXIX Ade ye fotsa bakolene a bi ye kĩ, “Dã, finyaa kõ ale kodzela pefee, kĩ obuki aáboá fɔgbã. **XXX** Finyaa kõ bunyina kĩ onyina letsa nye letsa, ade fɔtásĩ kĩ odi abuki evia nɔ kale kadima a. Fukĩ fõ bɔte budo kĩ Baguma sekẽ oto.”

XXXI Yesu kpa be mbuaye kĩ, “Finyaa kõ mite mido? **XXXII** Lɔko aya ade liwo ɔto kɔkɔe malo, kĩ baapasam mi flee odi nye odi lenaa ye tɔto kame kite yĩ odi. Leme nné yĩ odi aate, kitonekĩ Nda deĩ ne yĩ sekẽ. **XXXIII** Mbi mi fukĩ kĩ flee ayekĩ míakena ɔmɔa mɔ yĩ bɔna lukudɔ. Katinya kame bati aafõ mimó lubo. Leme mido ɔwɔle! Ìnya katinya kame akũ!”

XVII

Yesu Bɔa Mpae Ne Ye Fɔtsa Bakolene a Lɔlɔ.

I Kĩ Yesu le fɔletsa kĩ eyua a, edela ane edã ode, ade ele kĩ, “Nda, ɔdɔũ a bɔa. Dɛla nɔ Obi dĩ ne ode lɔkɔa nɔ Obi leme edela nɔ dĩ ne ode. **II** Kitonekĩ ɔkpa ye otumi ne batidziwa flee akũ ayekĩ yaakpa bati a kĩ ɔkɔa odo ne ye awe a nkpã kĩ elá kawũna a. **III** Nkpã kĩ elá kawũna a nye kĩ baanyi nɔ ɔnɔkɔali Baguma keĩ a mɔ Yesu Kristo a kĩ odo fɔto a. **IV** Ndɛla nɔ dĩ ne ode ne tite akũ, ade ãyua adzuma a kĩ ɔkpa yĩ kĩ nkɛna a. **V** Foesũ

Nda, dɛla yĩ dī nɛ ode nɛ nɔ anɛ kame, ndɛ ayekĩ nna nɛ nɔ sɛkẽ fomo bebɔa katinya a.

VI “Ɔnyɛ nɔ ntsa bati a kĩ ɔnyɛ nɛ katinya kame ɔkpa yĩ a. Nɔ bade banɛ, lɛmɛ ɔkɔa ɔkpa yĩ. Bɛkɛna nɛ nɔ kalɛ akũ. **VII** Finyaa kɔ̃ binyina kĩ lɛtsa nyɛ lɛtsa kĩ ɔkɔa ɔkpa yĩ a flee to nɔ sɛkẽ. **VIII** Nkɔa ɔlɛdo a kĩ ɔkpa yĩ a nkpa be, ade bɛtɛ ye a. Binyina kĩ ɔnɔkɔali fɔanɛ kĩ nɔ sɛkẽ nto, ade bɛtɛ bido kĩ nɔ lido yĩ a.

IX “Make aduli nɛ be lolɔ. Nlámɛna aduli kake nɛ katinya kame bati lolɔ, mbom nɛ bati a kĩ ɔkɔa odo nɛ yĩ awɛ a lolɔ, kitonɛkĩ nɔ bade banɛ. **X** Yĩ bati a flee nɔ bade banɛ, ade ayɛa nɔ bade flee lɛmɛ nyɛ yĩ bade a, ade bɛdɛla yĩ dī nɛ ode bɛtsámɛna be akũ a. **XI** Ade finyaa maya nɛ nɔ sɛkẽ, mbuki nláa katinya kame, lɛmɛ be kɔ̃ bideĩ nɛ katinya kame. Ɔlɛga Kpalɛwa, kɔa nɔ dī akũ kɔbɛ a kĩ ɔkpa yĩ a kadámɛna be akũ ayekĩ baakɛna ɔmɔa ndɛ ayekĩ bɔmɔ nɔ bɔnyɛ ɔmɔa a. **XII** Kĩ nna nɛ be sɛkẽ a, nkɔa nɔ dī akũ kɔbɛ a kĩ ɔkpa yĩ a ndámɛna be akũ. Ndã be akũ kĩ be kame odima táyɛla, mbɔɛntɛ oti a kĩ kɛnɛ kĩ ɛyɛla a, ayekĩ Katsɛlɛ Kpalɛwa fɔlɛtsa a aaya nɛ foe kame. **XIII** Lɛmɛ finyaa maya nɛ nɔ sɛkẽ, ade malɛ fukĩ bame nɛ katinya kame ayekĩ baamɔ kawɔlɛ kekɔla nɛ be kame ndɛ ayekĩ yĩ malo mamɔ ke a.

XIV “Nkɔa nɔ ɔlɛdo a nkpa be lɛmɛ katinya kame bati kesĩ be, kitonɛkĩ bɛtáto katinya kame ndɛ ayekĩ yĩ malo ntáto katinya kame a. **XV** Ntávía nɔ kĩ nyɛ be nɛ katinya kame, mbom mawã nɔ kĩ nyɛ be nɛ Okesĩnɛ a awɛ kame. **XVI** Nɛ ayekĩ ntáto katinya kame sũ ni, be malo

benyé katinya kame bade. ^{XVII} Kena be bati kpalewa kakpa nɔ akũ ne ɔnɔkoali a kame, nɔ kale a nye ɔnɔkoali. ^{XVIII} Ndo be ne katinya kame nde ayekĩ nɔ malo odo yĩ ne katinya kame a. ^{XIX} Ade ne be sũ ni, nkpalɛ yĩ akũ nkpa nɔ ayekĩ be malo baakpalɛ be malo akũ ne ɔnɔkoali a kame bekpa nɔ.

Yesu Bɔa Mpaɛ Ne Bate Badone Flee Lɔlɔ.

^{XX} “Nné bati kĩĩ odi lɔlɔ mabɔa mpaɛ, mbom mabɔa nkpa bati a kĩ baate yĩ bido ne foletsɔ a kĩ baabi be a sũ. ^{XXI} Make nɔ aduli kĩ fɔ be flee bekɛna ɔmɔa. Nda, fɔ be malo bɛna ne boe kame nde ayekĩ odeĩ ne yĩ kame, ade yĩ malo ndeĩ ne nɔ kame a. Fɔ bekɛna ɔmɔa ayekĩ katinya kame bati aate bido kĩ nɔ lido yĩ.

^{XXII} “Ndɛla be buĩ ne ode nde ayekĩ ɔdɛla yĩ dĩ ne ode, ayekĩ baakɛna ɔmɔa nde ayekĩ bɔmɔ nɔ bɔnye ɔmɔa a. ^{XXIII} Yĩ ndeĩ ne be kame ade nɔ malo odeĩ ne yĩ kame, kĩ baakɛna ɔmɔa bekpɔla, ayekĩ katinya kame bati aanyi kĩ nɔ lido yĩ. Ade baanyi kĩ awɛ be kale nde ayekĩ awɛ yĩ kale a.

^{XXIV} “Nda, mawɛ kĩ bati a kĩ ɔkɔa ɔkpa yĩ a bɛna ne awã kĩ ndeĩ a, ayekĩ baamɔ yĩ kukũkpale a kĩ ɔkpa yĩ a, kitonekĩ ɔwɛ yĩ kale fɔmɔ biyi katinya kayɔ.

^{XXV} “Nda, Oti Kpĩĩ, katinya kame bati linyina nɔ lemɛ yĩ kɔ ñnyina nɔ, ade bati kĩĩ lemɛ nyina kĩ nɔ lido yĩ a. ^{XXVI} Ñnye nɔ ntsa be yededeede, ade maakanye nɔ nkatsa be, ayekĩ ɔdɔ a kĩ odeĩ ɔkpa yĩ a aana ne be kame, lɔkɔa yĩ malo maana ne be kame.”

XVIII

Yesu Kapi.

^I Kĩ Yesu bɔa mpae kĩ eyua a, bemo ye fotsa bakolene a bedzakũ ne awã, benanyina Kidron kawobi a ade benawo ne kugua futse koba kudi kame a.

^{II} Yuda a kĩ enye ye ekpa a, nyina awã, kitonekĩ lokoloko Yesu mo ye fotsa bakolene a awe katsena ne awã. ^{III} Foesũ Yuda kpã Roma sodzafɔ mo Asoli Kɔla akũ badãmenane a kĩ basɔfɔnɔkɔẽ mo Farisifo do a enamena koba a kame. Benee kawũkano fotsa, tesedza mo tibia tenawa. ^{IV} Ayekĩ Yesu nyina fotsa a kĩ fɔaya ne ye akũ a flee sũ ni, ene eya ne loto evia be kĩ, “Owei miawe?”

^V Bekpa ye mbuaye kĩ, “Yesu Nazaretni a.”

Yesu bi be kĩ, “Amo yĩ.” Yuda a kĩ enye ye ekpa a leme dzẽ ne awã. ^{VI} Kĩ Yesu bi be kĩ, “Amo yĩ” a, be flee benaa litiliti benato ne tite. ^{VII} Ade Yesu buki evia be kĩ, “Owei miawe?”

Bekpa ye mbuaye kĩ, “Yesu Nazaretni a.”

^{VIII} Yesu bi be kĩ, “Mbi mi kɔkɔe kĩ yĩ nye ye, foesũ nte yĩ miawe kɔ ni, mifɔ bati kĩ bedzakũ.”

^{IX} Ele fukĩ ayekĩ kale a kĩ ele eyi a aaya ne foe kame pɛpɛpɛ kĩ, “Nda, bati a kĩ ɔkɔa odo ne yĩ awe a kame odima táyela.”

^X Ade Simon Petro nye kɔpã a kĩ enee a ebaa ɔsɔfɔnɔkɔẽ Flee a ɔsumune sɔmɔna sɔto emuni a. ɔsumune a dĩ nye Malko.

^{XI} Ade Yesu bi be Petro kĩ, “Kɔa nɔ kɔpã a kado ne kuvũ kame! ɔkɔna kĩ nláamɔa lubo kamɔ kɔɔpu a kĩ Nda kɔa ekpa yĩ a mbɔee?”

Yudafɔ Kpã Yesu Benadzemena Ne Hana Ane.

XII Ke liti a, Roma sodzafɔ mɔ be banɔkɔẽ, mɔ Yudafɔ Asɔli Kɔla akũ badãmenane a pi Yesu ade bisui ye a. XIII Benya lotɔ bekpã ye benamena Hana sekẽ. Hana kĩi nye Kayafa, kĩ yanya Ɔsofɔnɔkɔẽ Flee ne kateli a kame a otse. XIV Ade Kayafa kĩi lemɛ lekpa Yudafɔ banɔkɔẽ a adzuni kĩ fɔnɛne fɔbẽ kĩ otĩ mɔa aku ne ɔmaĩ a lolɔ.

Petro Sĩ Kĩ Enyĩna Yesu.

XV Simon Petro mɔ fɔtsa ɔkɔlenɛ bebã odi tomɔ Yesu ne liti. Fɔtsa ɔkɔlenɛ bebã kĩi a nye Ɔsofɔnɔkɔẽ Flee a otĩ nyiwa, foesũ etomɔ Yesu ewo ne Ɔsofɔnɔkɔẽ Flee a fɔletsã kadzekõ. XVI Lemɛ Petro fõ edza ne kanya ne onyukpẽ. Ade fɔtsa ɔkɔlenɛ bebã a né, enaa kanya enalemɔ oyitsõ a kĩ yadã onyukpẽ akũ a kɔdzela, ade ekpã Petro ewomena ne tɔtɔ a kame a.

XVII Oyitsõ a kĩ yadã onyukpẽ akũ a via Petro kĩ, “No malo nné onyole kĩi fɔtsa bakɔlenɛ a kame ɔmɔa anɛ?”

Petro kpa mbuaye kĩ, “Oowo, ãnyé ye fɔtsa ɔkɔlenɛ.” XVIII Osili na, foesũ basumunɛ mɔ bikĩ badzɔlɛ awã akũ a tena futuã fi bedza bisinya bawa foe. Petro lemɛ nadza ne be ɔwẽ ekawa fi a.

Ɔsofɔnɔkɔẽ Flee a Via Yesu Fɔletsã.

XIX Ɔsofɔnɔkɔẽ Flee a via Yesu fɔletsã ne ye fɔtsa bakɔlenɛ mɔ ye fɔtsa katsa a akũ.

XX Ade Yesu kpa ye mbuaye kĩ, “Male kɔdzela daa ne kanade kakpa odi nye odi. Matsa fɔtsa ne Yudafɔ fɔtsenakõ mɔ Baguma Asɔli Kɔla a kame, awã kĩ bati a flee atsena, ade maále letsama ne kabelã kame a. XXI Mɔ nde sũ avia yĩ fɔletsã? Via

bikī binu yī fōletsā a. Ade be nyina letsā a kī nle a.”

XXII Kī Yesu le fōletsā kīī a, bikī badzōle awā akū a kame omōa bale ye awe ne oloto ade ebi ye kī, “Nde mo odo owōle okpa Osōfonokoē Flee a mbuaye lomo?”

XXIII Yesu kpa ye mbuaye kī, “Nte nle fōletsā kpa ni, bi odi nye odi ne awī kīī letsā a kī fōane. Leme nte letsā a kī nle a nye onokoali ni, litsa sū obale yī awe?”

XXIV Ade Hana fō bekpā Yesu kī ebuki edeī ne towē kame a bema Kayafa, Osōfonokoē Flee a.

Petro Buki Enunya Kī Enyina Yesu.

XXV Ne loko a na kame a, Petro buki edzē yawa fi. Ade bati bebā a via ye kī, “Mbōe nō malo ye fōtsa bakolene a kame omōa ane?”

Leme Petro nunya kī, “Oowo, ĩnyé ye fōtsa okolene.”

XXVI Osōfonokoē Flee a basumune a kame omōa kī ye akū oti soto Petro baa emuni a via ye kī, “Ntámō nō ne ye sekē ne kobā a kame?”

XXVII Petro buki ele kī, “Oowo!” Deedimōape okoko be.

Bekpā Yesu Benamena Pilato Sekē.

XXVIII Onone tutuutu a, bekpā Yesu bitomēna Kayafa sekē benamēna abāā onokoē a toto kame. Yudafō banokoē a mōawe táwo ne abāā toto a kame, kitonekī bewe kī be akū ekpale ne be amanie onukpē ekpa Wuda Katē funitsā a kanya.

XXIX Foesū Pilato né enaa be sekē evia be kī, “Litsa fōletsā mibōe ne oti kīī akū?”

XXX Bekpa ye mbuaye kī, “Nte nné tokpa okenane yane ni, kufe botákpā ye bōma nō.”

XXXI Ade Pilato bi be kī, “Kekõ mi mɔawɛ mikpã ye minaadzemo ye ne mi mbla onukpẽ.”

Yudafɔ banɔkɔẽ a kpa ye mbuayɛ kī, “Betákpa boe osi kī bɔakɔ oti odima.” **XXXII** Fukĩ ya lɔmɔ ayekĩ fɔletsɔ a kī Yesu le eyi ne wuda odu kī yaaku a akū a fɔya ne foe kame.

XXXIII Pilato dani ewo ne abãã tɔtɔ kame ade ɛve Yesu evia ye kī, “Nɔ nye Yudafɔ legã a mbɔɛɛ?”

XXXIV Yesu kpa ye mbuayɛ kī, “Nɔ mɔawɛ avia yĩ fɔletsɔ kī, mbɔɛɛ kī bati bebã libi nɔ yĩ akū fɔletsɔ?”

XXXV Pilato kpa ye mbuayɛ kī, “Akɔna kī Yudani manɛ? Nɔ mɔawɛ kade bati mɔ basɔfɔnɔkɔẽ a lekpã nɔ beme yĩ. Litsa ɔkena?”

XXXVI Yesu kpa ye mbuayɛ kī, “Yĩ legākanyakõ táto katinya kī kame. Nte yĩ legākanyakõ kito katinya kī kame ni, kufe yĩ basumune a pili yĩ lolɔ, mɔ baakɔa yĩ bido ne Yudafɔ awe kame. Leme yĩ legākanyakõ a táto katinya kī kame.”

XXXVII Pilato via ye kī, “Foesū legã anɛ kɔ?”

Yesu kpa mbuayɛ kī, “Nɔ lele kī legã manɛ. Yĩ kɔ ni, ade fukĩ sū bema yĩ a, ade foesū ñya ne katinya kame kī mayaale kɔdzela ne ɔnɔkɔali kale a akū. Odi nye odi kī eto ɔnɔkɔali a kame ni, yatse yĩ.”

XXXVIII Pilato via ye kī, “Litsa nye ɔnɔkɔali a?”

Pilato Kɔ Yesu Kɔtɔ Ekpa Wuda.

Kī Pilato le fɔletsɔ kī eyua a, ɛné ɛnaa Yudafɔ a sekẽ ne kanya ade ebi be kī, “Ntámɔ tɔkpa tidima ne oti kī akū kī makɔ ye kɔtɔ. **XXXIX** Leme ne mi amanie onukpẽ ni, kene kī nfɔne kɔla bawane a kame ɔmɔa nkpa mi ne Wuda Katẽ Luwi kanya

kame. Miawe kī nfone Yudafō legā a awe nkpa mi mboue?”

XL Ade bebōa fowōla bele kī, “Oowo, nné ye bōawe! Baraba bōawe!” Baraba nye oti kī eyidza edza ne abāā akū.

XIX

I Ade Pilato fō bekpā Yesu bedzakūmena benabo ye mō mple. **II** Sodzafō kōa fōtsōlewe benō legābōe betsa ye. Kī bido ye atadie ngbā biyua a, **III** bifuā ye bibi ye kī, “Yiiduu! Yudafō Legā o-o!” Ade bebalebale ye awe ne toloto a.

IV Ke liti a, Pilato buki ené enaa kanya enabi bati kōdabu a kī, “Midā, maakpā ye nnemena mma mi mimó kī ntámó mfumsu adima ne ye akū kī makō ye kōto.” **V** Adeke Yesu né eya ne kanya, fōtsōlewe lōbōe a tsane ne ye lolō, edeī ne atadie ngbā a kame. Pilato bi bati a kī, “Midā! Amo oti a ne awī!”

VI Kī basōfonokōē mō Asōli Kōla akū badzōlene a mó ye a, bebōa fowōla kī, “Bōa ye ne asendua akū! Bōa ye ne asendua akū!”

Ade Pilato bi be kī “Mi mōawe mikpā ye minaabōa ye ne asendua akū. Yī kō ntámō kī ekēna letsa kpa lidima.”

VII Yudafō a kpa ye mbuaye kī, “Boe kō budeī mbla, ade ne mbla a onukpē ni, kī kenē kī eku, kitonekī ekēna ye akū Baguma Obi.”

VIII Kī Pilato nu foletsa kī a, ebuki evila eba kōkōe a. **IX** Foesū emuniki enaa abāā toto a kame ade evia Yesu kī, “Ndia oto?”

Leme Yesu tákpa ye mbuaye adima. **X** Ade Pilato bi ye kī, “Hei! Aákpa yī kale a mbuaye?”

Mbɔɛɛ onyina kɪ ndeĩ kɔbẽ kɪ mafɔne nɔ awe, ãye kɪ mafõ bebɔa nɔ ne asendua akũ?”

^{XI} Yesu kpa ye mbuaye kɪ, “Nte betakpa nɔ kɔbẽ bitomena ode ni, kufe oláana kɔbẽ ne yĩ akũ. Foesũ oti a kɪ enye yĩ ekpa nɔ a tokpa bẽ nɔ tide.”

^{XII} Kɪ Pilato nu foletsã kɪ a, ewe kɪ yatsã osi nye osi akũ efɔne ye awe, leme Yudafɔ a bɔa fowɔla kɔɔba kɪ, “Nte ofɔne ye awe ni, foatsã kɪ onyé Roma Legãnokɔẽ okɔba! Odi nye odi kɪ ekena ye akũ Legã ni, eyidza edza ne Roma Legãnokɔẽ akũ!”

^{XIII} Kɪ Pilato nu foletsã kɪ a, ekpã Yesu enamena kanya ade ye mɔawe enadzi ne foletsã kadze lukpo kame ne kako a kɪ bave kɪ Boe Oda a. Bave kako a ne Hebri tide kame kɪ Gabata. ^{XIV} Lokɔ a nye Wuda Katẽ kukũmane luwi, ade fɔana nde suwa todoũ ewua-nviã a.

Ade Pilato bi Yudafɔ a kɪ, “Amɔ mi Legã a ne awĩ!”

^{XV} Bati a bɔa fowɔla kɪ, “Kpã ye kanamena! Kpã ye kanamena! Bɔa ye ne asendua akũ!”

Ade Pilato via be kɪ, “Miawe kɪ mbɔa mi legã ne asendua akũ?”

Basɔfɔnokɔẽ a kpa mbuaye kɪ, “Bolá Legã lidima keba Roma Legãnokɔẽ!”

^{XVI} Adeke Pilato fɔne Yesu awe ekpa sodzafɔ a kɪ bɛnaabɔa ye ne asendua akũ a.

Bebɔa Yesu Ne Asendua Akũ.

Foesũ bekpã Yesu bedzakũmena. ^{XVII} Ye mɔawe elo ye asendua enawo awã kɪ bave Oti Lokɔ Fɔtsõ. Bave awã ne Hebri tide kame kɪ Golgata. ^{XVIII} Ade awã naa, bebɔa ye ne asendua akũ a. Bebɔa bati nviã bebã ne asendua akũ bibumɔ ye, omɔa ne

ye seba, oyade ne ye somona, ade Yesu deĩ ne be kayite a.

XIX Pilato tsele ye onukpẽ katsua foletsa beboã ne asendua a lolõ nyangẽ. Foletsa a kĩ etsese nye, “Yesu Nazaretni, Yudafo Legã a.” **XX** Yudafo pii kã foletsa a kĩ betsele a, kitonekĩ awã kĩ beboã Yesu a fuãmo omato kame. Pilato tsele foletsa a ne Hebri, Roma mo Hela leme tide kame. **XXI** Ade basofonokoẽ a si foletsa a, ade bibi Pilato kĩ, “Tatsele kĩ, ‘Yudafo Legã,’ mbom ‘Oti kĩ le kĩ, ‘Yi nye Yudafo Legã a.’ ’ ’ ”

XXII Pilato kpa be mbuaye kĩ, “Letsa a kĩ ntsele ni, ntsele de kokoe.”

XXIII Kĩ sodzafõ a boã Yesu ne asendua akũ biyua a, bebõe ye tetadie besẽ ne kutsu ena kame, ade sodzafõ a kame odi nye odi boe kamõa a. Ke liti a, bebõe ye atadie amede a kĩ betápam, mbom beno ye kito somo kenake kayo a.

XXIV Sodzafõ a bi akũ kĩ, “Mitafõ boyele atadie a, mbom mifõ bõta bavulibi bomó oti a kĩ yaate ye.”

Foletsa kĩ ya nde ayekĩ Katsese Kpalewa a aaya ne foe kame kĩ,

“Besẽ yĩ tetadie bekpa akũ.

Ade beta bavulibi ne yĩ atadie akũ a.”

Ade letsa a kĩ sodzafõ a kena a.

XXV Finyaakĩĩ a, Yesu oma, oma owaẽtsole, Maria kĩ enye Clopa otsõ, mo Maria Magdalani dzẽ ne Yesu asendua a owẽ. **XXVI** Kĩ Yesu mó oma mo ye fõtsa okolene a kĩ yaátunõ kale a kĩ bedzẽ ne awã a, ebi oma kĩ, “Mma, dã ade no obi ne awĩ a!”

XXVII Ade ebi fɔtsa ɔkɔlɛnɛ a kī, “Dā, ade ama nɛ awī a!” Kito luwi a akū a, fɔtsa ɔkɔlɛnɛ a kpā Maria enamena nɛ ye mɔawɛ toto kame.

Yesu Kaku.

XXVIII Finyaa Yesu nyi kī biyua letsa nye letsa kakena. Ayekī fɔafɔ̃ Katsɛlɛ Kpalɛwa a lɛya nɛ foe kame sū ni, ɛlɛ kī, “Ɔmɔado akɔ yī.”

XXIX Kugumi kudi keni nɛ awā kī kuyi mɔ waī yilawa. Ade bɛkɔa ɔsapɔ beta waī a bɛkɔa bido nɛ otse akū benatamɔ Yesu onukpɛ. XXX Kī Yesu mɔa bave a eyua a, ɛlɛ kī, “Fuwoli!”

Ɛkena lolɔ ade ye kawɛya nɛ a.

Bɛtsɔɛ Yesu Lɔtsɔɛ Nɛ Sɛklabi.

XXXI Luwi a nye Efieda, ade Kawɛya Luwi kī litomɔ de a nye luwi kpalɛwa lɛkpa Yudafɔ, foesū betáwɛ kī banɔkpa a bɛkaho nɛ asendua akū Kawɛya Luwi a liwo ɔto. Nɛ fukī sū Yudafɔ banɔkɔɛ a navia Pilato kī ɛkpa be osi bɛnaaveliveli bati a kī bɛbɔa nɛ asendua akū a abɔa, lɔkɔa bɛnyɛ be banɔkpa a. XXXII Foesū sodzafɔ a yaveli oti ɔtonyade mɔ oti bɛbā a kī bɛbɔa nɛ asendua akū bibumɔ Yesu a abɔa. XXXIII Lɛmɛ kī biwo Yesu akū a, bɛmɔ kī eku kɔkɔɛ, foesū betáveli ye abɔa. XXXIV Lɛmɛ be kame ɔmɔa kɔa lɔtsɔɛ ɛtsɔɛ ye sɛklabi, ade deedimɔapɛ babɔane mɔ mui nɛ a.

XXXV Oti a kī ɛmɔ fɔtsa kī lidi adansɛ nɛ foe akū ayekī nɔ malo aate odo. Letsa a kī ɛlɛ a nye ɔnɔkɔali, ade enyina pefee kī ɔnɔkɔali ɛlɛ a. XXXVI Fukī ya ayekī Katsɛlɛ Kpalɛwa fɔletsa a aaya nɛ foe kame kī, “Bɛláave ye lɔtsɔ lidima.” XXXVII Fɔletsa bɛbā nɛ Katsɛlɛ Kpalɛwa a kame

lemε le kī, “Bati aako anε bedā oti a kī betsoε ye lotoε a.”

Yesu Kabila.

^{XXXVIII} Ke liti a, Yosef kī eto Arimatia yavia Pilato kī ekpa ye osi εboε Yesu onokpa a. Yosef kīi nye Yesu fotsa okolene odi ne kabela kame, kitonekī ekavila Yudafō banokōē a. Pilato kpa osi, ade Yosef yaboε onokpa a edzakumena a. ^{XXXIX} Ade Nikodemo kī enya lotō enaa Yesu sekē mō lenye a lemε tomō Yosef eya a. Enεε tutsonu mō olē kī bekōa klubōū mō odi kī bave aloa bekena eyamena. Te olome kame aana nde kilo taale. ^{XL} Banyole nviā a kōa tutsonu a bikputa Yesu onokpa a, ade bekōa aklala ovoe bisuli ye nde ayekī Yudafō akena onokpa fomō babila ye a. ^{XLI} Kobā kudi deī ne awā kī bebōa Yesu ne asendua akū a. Linike vōē kī betābila oti tō deī ne kobā a kame. ^{XLII} Ayekī luwi a nye Kukūmane luwi lekpa Kaweya Luwi a, ade kī awā lemε fuā be sū ni, bekōa Yesu onokpa a bibila ne awā.

XX

Bemó Kī Linike a Waa Luto.

^I Ekwansieda onone tutuutu a, kī foko tákpale tō a, Maria Magdalani naa linike a owē, ade emó kī bitinya de a ne linike a onukpē. ^{II} Foesū ewula atse enaa Simon Petro mō fotsa okolene a kī Yesu látuno kale a sekē, ebi be kī, “Beyaboε boe Olate ne linike a kame bedzakūmena, ade bunyina awā kī bekōa ye biyi a.”

^{III} Ade Petro mō fotsa okolene kī a yidza benaa linike a owē. ^{IV} Be nviā a flee bekawula atse, lemε fotsa okolene kī a wula atse etē Petro enya lotō

ewo linike a ɔwě. ^V Ekena akū edā de kame emó aklala a kī bekɔa bisuli ɔnokpa a, leme etáwo ne linike a kame. ^{VI} Simon Petro kī etomɔ ye ne liti a, ya ade ye kō ewo ne linike a kame a. Emó aklala owoe a kī ewaa ne awā. ^{VII} Emó lima a kī bekɔa bisui Yesu lolɔ a leme ne awā, leme lewáa ne aklala a ɔwě, mbom bibuta de biyi de lite. ^{VIII} Ke liti a, fɔtsa ɔkolene bebā a kī enya lotɔ ewo linike a ɔwě a, leme wo ne de kame. Emó aklala mɔ lolɔ kasui lima a, ade ete edo a. ^{IX} Ke malo ni, betánu kayɔ kī Katsɛle Kpalɛwa a le kī kene kī Yesu eyidza eto kanɔkpa. ^X Ke liti a, fɔtsa bakolene a dzakū benaa be tɔtɔ kame.

Yesu Nye Ye Akū Etsa Maria Magdalani

^{XI} Leme Maria dza ne linike a ɔwě ekabe. Kī ekabe a, ekena akū edā linike a kame, ^{XII} ade emó ode fɔtɔ banyane nviā kī bidei ne tetadie fitaa kame, kī bidzi ne awā kī bewóla Yesu a. ɔmɔa dzi ne ye lolɔ nyange, ɔbebā dzi ne ye abɔa kayɔ.

^{XIII} Bivia Maria kī, “Boe ɔma, litsa sū abe?”

Maria kpa be mbuaye kī, “Bebɔe yī ɔlate benamena, ade iñyina awā kī bekɔa ye benamena a.” ^{XIV} Kī ele fukī eyua a, edani akū ade emó Yesu kī edzě ne awā, leme etányi kī ye yane.

^{XV} Yesu via ye kī, “Boe ɔma, nde sū abe? Owei awe?”

Leme Maria kɔna kī oti a kī yadāmena awā a yane, foesū ebi ye kī, “ɔnokɔě, nte nɔ leɔɔe ye ni, bi yī awā kī oyi ye lokɔa nnaabɔe ye.”

^{XVI} Ade Yesu ve ye kī, “Maria!”

Edani etselamo ye ade ele ne Hebri tide kame kī, “Raboni!” Foe kayɔ nye Fɔtsa ɔtsane.

XVII Yesu bi ye kī, “Tata yī, kitonekī ntámuniki nnaa ode ne Nda sekě tō. Leme naa nwaě ame sekě kabi be kī mmuniki manaa oti a kī enye Nda mo mi Ọlẹga, yī Baguma mo mi Baguma a sekě.”

XVIII Foesū Maria Magdalani a nabi fotsa bakolene a kī emó Ọlate a, ade ebi be foletsa a kī Yesu bi ye a flee a.

Yesu Nye Ye Akū Etsa Ye Fotsa bakolene a.

XIX Ne Ekwansieda a na olobe a, fotsa bakolene a kpota ne kola kame, ade bebale onyukpě tupunu a flee, kitonekī bekavila Yudafọ banokōě a. Letaleta Yesu yane edza ne be kayite, ade ebi be kī, “Lukudo litomo mi.” **XX** Kī ele fukī eyua a, ekoa ye awe mo seklabi etsa be. Adeke kawole de fotsa bakolene a kī bemó Ọlate a.

XXI Yesu buki ebi be kī, “Lukudo litomo mi! Nde ayekī Nda do yī a, ade aye mado mi a.” **XXII** Adeke eweya eko ne be akū, ele kī, “Mite Hūhū Kpalawa a. **XXIII** Nte mikoa bati tokpa mite be ni, bekoa bite be, leme nte mitakoa be tokpa mite be a ni, betakoa te bite be.”

Yesu Nye Ye Akū Etsa Toma.

XXIV Kī Yesu ya a, Toma kī enye fotsa bakolene ewua-nviā a kame omoa, kī bibuki bave Ata a, tana ne ye bade a kame. **XXV** Foesū fotsa bakolene bebā a bi ye kī, “Bomó boe Ọlate a!”

Ade Toma bi be kī, “Nte ntámo ye awe kame tiplego fookpa a, nkwa lawobi nte ne fookpa a akū ndo awe ne ye seklabi ni, nláate ndo da.”

XXVI Ne fuwi elě liti a, fotsa bakolene a buki bekpota ne kola a kame, ade Toma leme na ne be kame a. Bebale tupunu a flee, leme Yesu

yadza ne be kayite ade ele kī, “Lukudo litomo mi!” ^{XXVII} Adeke ebi Toma kī, “Koa no lawobi kate ne awi, kadã yi awe kame. Yo kokpo kado awe ne yi seklabi kame. Fõ atsindze kate, lokoa kate kado!”

^{XXVIII} Toma bi ye kī, “Yi òlate mo yi Baguma!”

^{XXIX} Ade Yesu bi ye kī, “Ayekĩ omó yi sũ ote odo. Baguma hila bikĩ betámo yi, leme bete bido a!”

Letsa a Kĩ Lenye Ovoli Kĩ Botae.

^{XXX} Ne onokoli kame ni, Yesu kena awãwã fotsa bebã pii ne ye fotsa bakolene a ane, kī betátsele bido ne ovoli kī kame. ^{XXXI} Leme betsele fukĩ biyi ayekĩ míate mido kī Yesu nye Kristo, Baguma Obi, ade mite ye mido ni, míatsã ye akū mina nkpã kī ela kawūna a.

XXI

Yesu Nye Ye Akū Etsa Ye Fotsa Bakolene Evũkono.

^I Ke liti a, Yesu buki enye ye akū etsa ye fotsa bakolene ne Tiberia Lutubu Baũ a abuĩ. Ayekĩ enye ye akū etsa a nye. ^{II} Luwi a, ye fotsa bakolene badi kpota. Ade be nye Simon Petro, Toma kī bave Ata obi, mo Nataniel kī eto Kana ne Galilea tite akū, mo Zebedeo babi mo Yesu fotsa bakolene bebã nviã. ^{III} Ade Simon Petro bi be kī, “Manaata asau.”

Bibi ye kī, “Bóatomo no bonaa.” Foesũ benawo ne okolo kame benaa, leme lenye a flee betánye letsama.

^{IV} Kĩ kade aya kanyina kō a, Yesu ya edzẽ ne owó abuĩ, leme fotsa bakolene a linyina kī Yesu

yane. ^V Ade evia be kī, “Bapopo, mbɔɛ mitánye kɔfɔabi kudima?”

Bekpa ye mbuaye kī, “Oowo!”

^{VI} Yesu bi be kī, “Mita asau ne ɔkɔlo a sɔmona semake lɔkɔa miana kɔfɔabi a kudi.” Ade beta asau a benye kɔfɔabi beblebee kī betápuli bevele benemena.

^{VII} Fɔtsa ɔkolene a kī Yesu látuno kale a bi Petro kī, “Boe ɔlate a yane!” Kī Petro nu kī boe ɔlate yane a, ebɔɛ ye atadie anyanglede efili ne kate, kitonekī edzi ɔdzo, ade evenya ewo ne mui a kame a. ^{VIII} Fɔtsa bakolene nkae a ta ɔkɔlo a, bevele asau a kī eyi mo kɔfɔabi a beyamena ne ɔwo abuī a. Awā kī bena a mo ɔwo abuī lelá lugo, fɔana nde abasam oha. ^{IX} Kī biduma ne ɔkɔlo a kame a, bemó kī betena futuā fi kī kɔfɔabi teī ne foe akū, ade abodoo adi leme waa ne awā a.

^X Ade Yesu bi be kī, “Mikɔa kɔfɔabi a kī minye finyaa kudi miyamena.”

^{XI} Simon Petro wo ne ɔkɔlo a kame, enavele asau a eyamena ne lowo tuni. Kɔfɔabi baū baū oha moa mo aduenum elale yi asau a. Tito kī kɔfɔabi a pɔne malo ni, asau a tákpeli. ^{XII} Ade Yesu bi be kī, “Miyaanya.” Leme fɔtsa bakolene a kame odima tádo ɔwole evia ye kī, “Owei ane?” kitonekī binyina kī Boe ɔlate a yane. ^{XIII} Foesū Yesu nabɔɛ abodoo a ekɔa ekpa be, ade ayea ebɔɛ kɔfɔabi a leme ekpa be a.

^{XIV} Ade fukī nye lelade kī Yesu nye ye akū etsa ye fɔtsa bakolene, kī Baguma dzela ye etomena kanɔkpa a.

Yesu Le Kɔdzela Mo Petro.

XV Kĩ benya biyua a, Yesu via Simon Petro kĩ, “Simon, Yona obi, awe yĩ kale kaba ayekĩ bati bebã kĩ a awe yĩ kale a?”

Ekpa ye mbuaye kĩ, “Oo, Boe ɔlate! Onyina kĩ mawe nɔ kale.”

Ade Yesu bi ye kĩ, “Dāmēna yĩ bavelibi akũ.”

XVI Yesu buki evia ye leyade kĩ, “Simon, Yona obi, awe yĩ kale?”

Petro kpa ye mbuaye kĩ, “Oo, Boe ɔlate! Nɔ mɔawe onyina kĩ mawe nɔ kale.”

Ade Yesu bi ye kĩ, “Dāmēna yĩ baveli a akũ.”

XVII Yesu buki evia Petro lelalde kĩ, “Simon, Yona obi, awe yĩ kale?”

Petro wo ɔblo kitonekĩ Yesu via ye lelade kĩ, “Awe yĩ kale?” Foesũ ebi Yesu kĩ, “Boe ɔlate, nɔ mɔawe onyina letsa nye letsa. Nɔ mɔawe onyina kĩ mawe nɔ kale!”

Ade Yesu bi ye kĩ, “Dāmēna yĩ baveli a akũ.”

XVIII Mabi nɔ nɛ ɔnɔkɔali kame kĩ lɔko a kĩ onye opopo a, apuli kafili lima, kanaa kako nye kako kĩ awe, lemɛ nte ɔde a ni, aadzela akpɔ, oti bebã lifili nɔ lima, ekpã nɔ enamena awã kĩ aawe kĩ anaa.” **XIX** Yesu le fukĩ ekɔa etsa wuda odu a kĩ Petro aaku, ekɔa enye Baguma kukũkpale a etsa.

Ke liti a, Yesu bi ye kĩ, “Tomɔ yĩ.”

XX Petro dani ade emó fɔtsa ɔkolene a kĩ Yesu látunɔ kale a kĩ etomɔ be nɛ liti yaya. Ade fɔtsa ɔkolene kĩ lidzi emenamɔ Yesu kĩ bidzi bekanya, ade evia ye kĩ, “Boe ɔlate, owe i aanye nɔ ekpa a?” **XXI** Kĩ Petro mó ye a, evia Yesu kĩ, “Boe ɔlate, litsa aaya nɛ oti kĩ akũ?”

XXII Ade Yesu kpa ye mbuaye kī, “Nte mawe kī edzi nkpā kenaawo kī maaya a ni, fowodabe tsela no akū? No kō, tomō yī!”

XXIII Fōletsa kīi gba ne Yesu batomenane a kame kī foto onyane kīi leláaku. Leme Yesu tále kī eláaku, mbom kale ele kī, “Nte mawe kī edzi nkpā kenaawo kī maaya a ni, fowodabe tsela no akū?”

XXIV Ade fōtsa okolenē kīi adi adansie ne fōletsa kīi akū a, ade ye leme letsēle foe eyi a. Foesū bunyina kī letsa a kī ele a nye onokoli.

Fōletsa Fuwūnade.

XXV Fōtsa bebā pii deī kī Yesu kena. Nte katsēle betsele foe flee biyi fomōa fomōa ni, nkona kī katinya kīi flee kame malo leláana kakokō kekpa tuvoli a kī baatsēle a.

Baguma Apam Vɔɛ a Tuwuli
Tuwuli: Baguma Apam Vɔɛ a Tuwuli New Testament
copyright © 2008 Wycliffe Bible Translators, Inc.

Language: (Tuwuli)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 21 Feb 2024 from source
files dated 29 Jan 2022

68df0193-2981-5275-8994-8f743fe01e5e